

四庫全書

史部

欽定四庫全書

史部

御定資治通鑑綱目三編卷六
七

詳校官庶吉士臣吳烜

編修臣裴謙覆勘

總校官舉人臣章維桓

校對官學錄臣常 猶

謄錄監生臣劉 鈺

欽定四庫全書

御定資治通鑑綱目三編卷六

起海常明成祖永樂八年壬寅凡十年

年春正月免揚州淮安鳳陽陳州水災田租

所運田租軍民有典賣子女者官為贖還

二月帝省將征韃靼

以北征詔天下命戶部尚書夏原吉總行在九卿事
輔劉長孫瞻塞留守北京命學士胡廣庶子楊榮諭
德諭幼從從以主友督中軍柳升副之何福鄭亨督
左右哨陳懋劉才督左右掖劉江督前哨衆五十萬

塞質實

陳懋為陳亨子壽州人封寧陽侯劉江即劉榮宿遷人初冒父名江後永樂十七年以破

倭功封廣寧伯始更名榮

夏五月大敗韃靼于鄂諾河布尼雅實哩遁遂征阿魯

台

帝至臚胸河布尼雅實哩聞大軍至懼欲與阿魯台俱西阿魯台不從衆潰散君臣始各為部布尼雅實哩西奔阿魯台東奔帝追及于鄂諾河布尼雅實哩拒戰帝麾兵奮擊大敗之布尼雅實哩棄輜重壯畜以七騎遁遂詔移質實魯克倫河西北二百里許肯特師征阿魯台山之忒勒爾几崩此河之北喀爾喀與俄羅斯接壤河源之南東為魯克倫河源西為土刺河源即元太

祖始興之地也
河舊作幹難河今改
鄂諾

六月擊阿魯台敗之

帝次青楊戍度飛雲壑阿魯台乞降帝察其詐命諸將嚴陣以待已而果悉衆來犯阿魯台率千騎當中堅帝自將精騎衝擊矢下如注阿魯台墮馬遂大敗追奔百餘里斬其名王以下百數十人至廣漠戍班師擒蹕後質實一統志明永樂中北征其度漠驛站者殲之自庫楞海子回至開平有青楊戍蒼松峽飛雲壑靜雨鎮廣漠戍諸處方輿紀要庫楞海子在飲馬河東飛雲壑在鄂諾河東北廣漠戍在磧北庫楞海子舊作濶濼海子今改

秋七月次開平宴勞軍士

帝在軍念士卒艱苦每蔬食是日宴賚始復常膳

振安慶徽州鳳陽鎮江饑

帝還北京

御奉天殿受朝賀論功行賞

質實

奉天殿燕史皇極殿即奉天殿左向

西者曰文昭閣即文樓右向東者曰武成閣即武樓

八月寧遠侯何福自殺

福為太祖時宿將惠帝時與盛庸平安禦燕師于淮北戰敗奔還帝即位推誠用福聘其甥女為趙王妃命鎮寧夏移甘肅委寄甚重及從征數違節度羣臣有言其罪者福益怏怏師還都御史陳瑛劾其怨望

福懼自縊死爵
除趙王妃尋廢

河湔開封

河決開封壞城二百餘丈民被患者萬四千餘戶沒
田七千五百餘頃帝以國家藩屏重地特遣工部侍郎
張信往視即張信質實張信祥符人時有兩張信一臨淮人注見前

冬十一月帝還京師

十二月阿魯台貢馬

阿魯台使來貢馬帝
納之自是數入貢

陳季擴乞降以為交趾右布政使不受命

先是沐晟追陳季擴于靈長海口大敗之斬首三千餘級獲偽將軍黎弄季擴薨奉表乞降帝心知其詐姑許之詔授交趾布政使其黨阮帥胡具鄧景異鄧銘並都指揮陳原搏右參政潘季祐按察副使詔下賊無悛心

質實

靈長海口在安南國舊又安府東

尋復反

始命內官監軍

救王安等監都督譚青軍馬靖巡視之始

質實

譚青清流人崇安侯

甘肅馬騏鎮交趾此監軍巡視之始

子淵

發明

洪武十一年六月討五開蠻之後太祖嘗遣內侍吳誠觀兵呂玉閱勝雖云傳命四方而

實開監軍之漸茲成祖八年遂有中官王安馬靖馬騏等監巡鎮守之敕未幾而馬騏即以采辦激

變致騷動炎方交人屢叛而後嗣不悟踵其覆轍終明之世監軍之禍史不勝書履霜堅冰有以哉

辛卯 九年春正月復命張輔帥師討交趾

季擴既不受命放兵劫掠勢又滋蔓官軍不能制帝以張輔為交人所憚乃命輔為征討副將軍會晟討之輔至申軍令都督黃中達節度詰之不遜斬以徇將士惕息無敢不用命者

發明

交人好亂苦中國拘束又數為吏卒擾往往叛服不常張輔自代朱能征交趾軍令嚴明

將士用命都督黃中之斬無不悚懼故三擒偽王鎮懾南域威足以定之也後惟黃福善治交然馬騏激變莫之禁倒馬坡之役柳升敗沒福奔還至為守關所執其不及輔遠矣

二月都御史陳瑛以罪誅

帝初即位御下多用重典瑛承風旨專以搏擊為能
帝寵任之瑛益務深刻傾陷不可勝計帝北巡皇太
子監國刑科給事中耿通等劾瑛擅殺無辜中允劉
子春等劾瑛方命自恣太子皆宥之心惡瑛至是帝
始聞其不法狀乃
下獄死天下快之

發明

瑛為北平僉事時受燕府金錢通密謀成祖
稱帝召擢憲職一涖事即請追戮致死諸臣

獄辭連染百家號泣殆無遺種成祖以其能發奸
寵任之排陷無算一時如紀綱馬麟丁珏秦政學
趙緯李芳之徒皆以傾險為能事瑛固首希風旨
實由成祖逆取天下欲以嚴酷立威瑛得中其隱
耳迨誅瑛而殘賊已
多其能獨罪瑛乎

詔赦交趾

自永樂九年二月二十四日以前交趾但有嘯聚山林者咸赦其罪軍復原伍民復原業其官員軍民有犯已發覺者咸赦除之

倭陷昌化千戶所

倭掠廣東昌化千戶所殺守質實昌化千戶所按千將敕副總兵李珪戴罪自贖
年建在昌化縣治北一十里今昌化縣屬瓊州府

命工部尚書宋禮浚會通河

自宋禮用白英策遏汶自南旺分流為運道利賴者幾數百年
河為元轉漕故道岸狹沙淺元末已廢不用洪武中復因河決遂淤及帝建北京河海兼運海運險遠多失亡而河運則由江淮達陽武陸輓百七十里入衛河民苦其勞濟寧州同知潘叔正請復會通河帝命

說者因其經營
疏鑿具有智力
遂疑其出于神
助殊不知蓋
五汶所匯實居
水脊中央高而
南北下乃天地
自然之形勢特
衆人不識不能
因勢利導白英
獨深晰其精微
故舉之易見耳
且如大禹平成
奏績事若神奇
然疏濬決排亦
不能舍天地自

禮與侍郎金純治之禮以會通之源必資汶水乃用
汶上老人白英策築壩東平之戴村遏汶流使南無
入洗北無歸海匯諸泉之水盡出南旺中分為二道
以四分南流接徐沛六分北流達臨清南旺地勢高
決其水南北皆注所謂水脊也因相地勢置閘三十
有八以時蓄洩禮又請疏東平沙河合馬常泊之流
以益汶運質實衛河源出河南輝縣蘇門山百門泉
道乃成經新鄉汲縣而東至濬縣境淇水入
馬宋元名曰御河由內黃東出至山東館陶西漳水
合馬東北至臨清與會通河合北歷德滄諸州至青
縣南合漭沱北達天津會白水入海所謂衛漕也汶
水泰安府萊蕪縣東北水經汶水與淄水俱出原山
西南入泲戴村在東平州東洗水水經不載汶水交
流也元初遏汶入洗以益泗而洗河之名始著自寧
陽北三十里西南流循縣西三里許又南流三十里
至高吳橋會寧陽諸泉又六十里經濟寧東與沂泗

然之勢而別為
用何獨于英而
疑之向閱視運
河灼見其理曾
詠詩以示大凡
茲復引中欣旨
如右

合入天井開至宋禮分水南旺汶遂不通洗諸泉水
汶河泉派凡百四十有五南旺湖名在兗州府汶上
縣西南有東西二湖漕渠貫其中其南為蜀山湖北
為馬踏湖東平沙河汶水支流遶而西出經東平州
境謂之沙河馬常泊即馬場湖在濟寧西北與蜀山
湖接禮言會通河以汶泗為源夏秋霖潦則馬常泊
之流亦入馬汶泗合流至濟寧分為二河一入徐州
一入臨清河流深淺舟楫通塞繫乎泊水之消長泊
水夏秋有餘冬春不足非經理河源及引別水以益
之必有淺溢之患今汶河上流上自寧陽縣已築壩
堰使其水盡入新河東平州之東境有沙河一道本
汶河支流至十里口通馬常泊比年流沙淤塞河口
宜及時開濬況沙河至十里口故道具存不必施工
河口當濬者三里河身宜築堰者計百八十丈從之
禮既得請又于汶上東平濟寧沛縣諸處立水櫃陡
門水櫃有四曰南旺曰安山曰馬場曰昭陽以蓄水

陡門建于各關左右平時則常閉水盛則盡啓以洩
漲來禮字大本河南永寧人金純字德修泗州人汶
上老人卿官名洪武中命有司擇民年高而公正可
任者聽其卿辭訟謂之老人事重者始白于官餘皆
理老人之

三月浚祥符縣黃河故道

張信既奉命詣開封相視黃河上言祥符縣魚王口
至中灤下二十餘里有舊黃河岸與今河西平宜濬
而通之使循故道則水勢可殺繪圖以進時尚書宋
禮侍郎金純方開會通河帝乃發民夫十萬命興安
伯徐亨侍郎蔣廷璿等偕純相治并令禮總其役乃
引河自封邱金龍口下魚臺塌場會汶水徐呂二洪
南入于淮是時會通河已開黃河與
質實魚王口在
之合漕道大通而河南水患亦稍息
祥符縣北

中澱鎮在封邱縣南大河北岸元人運道以此為中
頭金龍口一作荊隆口在封邱縣東魚臺魯常邑漢
方與唐改魚臺明屬兗州府今屬濟寧州塌場在魚
臺縣南洪武初徐達開此通餉永樂後為運道所經
至嘉靖中河決遂埋廢徐呂二洪徐州洪即百步洪
在府東南二里泗水所經也呂梁洪在府東南六十
里有上下二洪徐亨大治
人祥之孫蔣璿滑縣人

夏六月下交趾右叅議解縉于獄

縉初謫廣西李至剛言縉怨望政交趾督鉤化州入
奏事會帝北征謁太子而還高煦言縉伺上出私覲
太子徑歸無人臣禮帝震怒時檢討王偁亦以罪謫
交趾縉偕偁道廣東覽山川上疏請鑿顛江通南北
奏至逮下獄拷掠備至辭連大理丞湯宗宗人府經
歷高得賜中允李貫贊善王汝玉編修朱紘檢討蔣

驥潘幾蕭引高并及至劉俱係獄得賜貫汝王紘引
高俱瘦死縉在獄四年錦衣衛帥紀綱上因籍帝見
縉姓名曰縉猶在耶綱遂使獄卒醉以酒埋積雪中
斃之仍籍其家妻子徙遼左後仁宗即位詔歸縉
妻子英宗正統元年八月詔還所籍家質實
產憲宗成化元年復縉官贈朝議大夫質實
府城東有貢水一名東江自福建長汀縣流入界城
西有章水一名西江自湖廣宜章縣流入界二水環
城而北合流為潁江紀綱臨邑人燕王起兵時授忠
義衛千戶及即位擢錦衣衛指揮使進都指揮僉事

秋七月張輔大破交趾賊於月常江

賊據月常江樹柵四十餘丈兩崖置柵二三里列船
三百餘艘設伏山右輔遣將連檻拔柵以進而自率
步隊勒其伏兵水陸夾攻賊
大敗是冬又敗之于生厥江質實
月常江在安南
國舊清化府東

冬十月封哈密推勒特穆爾為忠義王

初哈密忠順王托克托自幼倖入中國帝拔之俾列宿衛後得歸襲封帝眷特厚而托克托顧凌侮朝使且沉湎不恤國事帝賜勅戒諭未至而托克托暴卒乃復封其從事推勒特穆爾為忠義王賜印誥世守哈密自是哈密推勒特穆爾舊作修貢維謹質實

推勒特穆爾舊作
免力帖木兒今改

復修太祖實錄

帝以前監修官李景隆心術不正又期限迫促未能精詳乃命姚廣孝等重修

十一月蠲陝西逋賦

立長孫瞻基為皇太孫

立皇太孫為儲
貳已屬古所未

有若既建太子
又立太孫名辨

允設更無謂矣
前此謂唐高宗

之立重照嘗一
行之然彼時武

氏專政事出宮
闈豈可據為典

要況建文弗克
終安其位覆繼

匪遂成祖既甚
愛其孫尤不宜

循革除故事以
相期望若逆料

高照他日之必
為不靖豫正名

冠于華蓋殿冕服如
皇太子玉圭如親王

命韓觀鎮交趾

拜觀征夷副將軍仍佩征
南將軍印總兵鎮交趾
質實韓觀字彥實虹人
高陽忠壯侯咸子

築海門捍潮隄

海濱舊隄圯自海門至鹽城凡百三十里詔陳瑄以四
十萬卒築治之為捍潮隄萬八千餘丈已而瑄又言嘉
定頻海地江流衝會海舟停泊無高山大陵可依請于
青浦築土山方百丈高三十餘丈立堠表識既成賜名
寶山帝親質實舊隄始自唐名捍海堰宋范仲淹復修
為文記之質實之名范公隄後屢築屢圯鹽城漢鹽濱
縣晉改鹽城明屬淮安府青浦元為華亭上海二縣地
明析置青浦縣屬松江府今皆因之寶山在太倉州寶

分以潛杜之則
已既蔑成命而
萌逆志又安能
禁其子之不效
尤乎

山縣南吳淞江口今縣以此名山周四百丈高五十餘
丈海洋空濶遙見千里有明成祖御製碑記刻石亭上
浙江湖廣河南順天揚州水河南陝西疫遣使振之

壬辰十年春正月詔入覲官言事

時入覲官千五百餘人命各陳民
瘼不言者罪之言有不當勿問

振平陽饑

蒲州等處耆老言歲歉民飢採蕨藜掘蒲根以食帝惻
然遣官馳驛振之逮治布政使及郡縣官不奏聞者

二月蠲山西河南逋賦

免八年以
前逋租

削遼王植護衛

植之改封荊州也請止給一衛以備使令而留其三衛于廣陵防邊然帝終嫌其起兵時貳于己至是并一衛削之留軍校尉役三百人備使令

秋八月張輔大破交趾賊于神投海

輔駐舟師安謨海口遙見賊舟入神投海遂帥都指揮方政擊之賊舟四百餘艘亦出神投海外分列為三時北風作輔督衆衝其中堅賊氣銳甚官軍奮勇直前與賊連舟刀槊競進火器迅發賊不能支開船走官軍追躡之賊大敗生擒其偽將及餘賊千餘人溺死者無算賊黨阮帥等望風奔潰

勅邊將治濠垣

自長安嶺迤西至洗馬林皆質實長安嶺在今宣化府
龍門縣東南九十里

洗馬林在今宣化府
萬全縣西北七十里

九月以蘭芳為工部侍郎

芳為都水主事河決陽武中鹽隄漫中年祥符尉氏遣芳
按視芳言隄當急流之衝夏秋泛漲勢不可驟殺宜捲土
樹椿以資捍禦無令重為民患又言中灤導河分流使由
故道北入海誠萬世利但緣河隄埽止用蒲繩泥草不能
持久宜編木成大囤貫椿其中實以瓦石復以木橫貫椿
表牽築隄上為殺水固隄之長策詔悲從之後皆遵用其
法以宋禮質實尉氏春秋鄭大夫尉氏邑泰置縣宋屬
薦擢侍郎開封府明仍舊今因之蘭芳夏縣人

冬十一月命庶子楊榮經略甘肅

旗校詞事至遠
 恩州郡倚勢作
 威其為民害實
 甚周新立加捕
 治風力足揭然
 當時若即臚陳
 其受賄逞兇之
 飛章上聞盡法
 處治以成祖之
 英察或未必為
 羣小所朦乃新
 不即糾劾反使
 紀綱輩得先發
 制人乘間誣讒

涼州部婁達袞叛守將擊敗之婁達袞走赤斤蒙古衛帝
 欲發兵討之乃遣榮至陝西會豐城侯李彬議方畧榮還
 言隆冬非出兵時彬亦言道遠餉難宜緩圖之乃賜
 勅詰責赤斤蒙古明年赤斤蒙古遂縛婁達袞來獻
 赤斤蒙古衛明一統志古西戎地秦末漢初屬匈奴武
 帝時為酒泉燉煌二郡 婁達袞舊作者的罕今改正

十二月殺浙江按察使周新

時錦衣衛指揮紀綱用事使千戶緝事浙中作威受賕新
 捕治之千戶脫走訴于綱綱劾奏新罪帝遽命逮新旗校
 皆錦衣私人在道撈掠無完膚既至伏陛前抗聲曰陛
 下詔按察司行事與都察院同臣奉詔擒奸惡奈何罪臣
 帝怒命戮之臨刑大呼曰生為直臣死當作直鬼竟殺之
 新初為大理評事善決獄改御史敢言不避權貴人目為
 冷面寒鐵及按浙江屢雪冤獄周廉質實 周新南海人初
 使名聞天下至是以讒死人咸冤之 質實 名志新字曰新

宜其卒無以自明也但以朝命誼繫之人而旗校復敢藉報私仇沿途擄掠成祖不惟不加察究且怒其抗直誅戮旋加從此兇焰日張禍流朝野鎮撫為明室一代執政始作俑者非成祖而誰

成祖常獨呼新遂為名因以志新字洪武中授大理寺評事成祖即位改監察御史繼擢雲南按察使未赴改浙江

已亥

十一年春正月辛巳朔日有食之罷朝賀

先是鴻臚寺奏習元旦賀儀上召禮部翰林官問曰正旦日食百官賀禮可行乎尚書呂震對曰日食與朝賀之時先後不相妨侍郎儀智曰終是同日免賀為當楊士奇曰日食天變之大者前代元旦日食多不受賀宋仁宗時元旦日食富弼請罷宴徹樂呂夷簡不從弼曰萬一契丹行之為中國羞後有自契丹回者言是日罷宴仁宗深悔今免賀誠當帝從之勅曰朕承治理上累三光衆陽之宗薄食元旦羣臣尚勉輔朕消弭災變朝賀宴會其悉罷免

二月置貴州布政使司

貴州古羅施鬼國漢西南夷牂牁武陵諸傍郡地元
置八番順元諸軍民宣慰使司以羈縻之太祖克陳
友諒兵威遠振思南宣慰田仁智思州宣撫田仁厚
率先歸附即以故官授之命世守其地時元至正二
十五年也及洪武五年貴州宣慰霽翠同知宋欽及
普定府女總管適爾等先後來歸皆予以原官世襲
朝廷為立貴州長官司即其地設衛命顧成為指揮
使是時雲南未定仁智等恪修朝貢賦稅聽其自納
未嘗郡縣其地迨帝即位後思南宣慰田宗鼎克暴
與其副使黃禧搆怨奏討累年朝廷以田氏世守其
土又先歸誠曲宥之改禧為辰州知府未幾思州宣
慰田琛與宗鼎爭沙坑地有怨禧遂與琛結合攻思
南宗鼎挈家走琛殺其弟發其祖墳并戮其母屍所
過無不殘害宗鼎訴於朝屢勅琛禧赴闕自辨拒命
不至并有逆謀乃命鎮遠侯顧成帥兵五萬擒之琛
禧相繼械送京師詔分其地為八府設貴州布政使

司而以長官司七十五分隸焉貴州為省屬內地自此始質實八番五季時馬殷遣八帥討溪洞諸

蠻各分據之為八番今定番州諸長官司即其地順

元漢牂牁郡宋置總管府元改順元路明貴州省治

今因之思南秦屬黔中郡漢為武陵郡唐置務州治

務川縣貞觀間改為思州宋為羈縻州後置思州元

置思州安撫司泰定中改宣撫司明洪武初改思南

宣慰司隸湖廣布政司永樂後改為府領長官司四

縣二屬貴州布政司今因之八府以思南地設思南

鎮遠銅仁烏羅四府以思州地設思州新化黎平石

阡四府貴州布政司治貴州宣慰司後成化中分置

程番府至隆慶末始改程番曰貴陽府為布政司治

而宣慰司如故府所治在城北宣慰所治在城南貴

州為省屬內地洪武中設貴州都指揮使司至是領

十八衛而以長官司七隸焉後二年復設按察使司

于是貴州二司官與各省同而鄉貢尚附于雲南按

明制布政司而以長官司七十五分隸者屬戶部都
指揮使領十八衛而以長官司七分隸者屬兵部府
以下多用土官土官分屬吏禮兵各部田仁智田仁
厚宋田祐恭之裔祐恭思州人生有明誠為播部長
願為王民政和間召入覲徽宗厚賜之建炎初刺賊
王闡等破歸州蜀帥調田氏兵敗賊衆璽書加勞後
田氏得世為思州守霽翠蜀漢火濟之裔濟從諸葛
亮南征有功封羅甸國王後為宋普貴傳至元阿畫
世有土于水西霽翠其裔後為安氏宋欽宋景陽
傳至元為阿重之孫為宋欽舊名蒙固岱在前元時
以平寇功授將軍八番順元等處宣慰使加鎮國上
將軍兼四川等處行中書省叅知政事洪武初欽同
霽翠歸附賜名欽襲原職始領水東田宗鼎仁智
之孫田琛仁厚之孫蒙固岱舊作蒙古歹今改

發明

貴州古西南夷地蜀漢有大濟者從諸葛亮
擒孟獲有功世有爵土自漢以來未有郡縣

國馬所係甚重
飼育固不可失
宜至芻秣計直
供需尚恐胥吏
侵肥重為閭閻
擾累若攻駒宇
牧更非民庶所
諳乃盡以委之

令民牧馬

之者然滇南之境非貴不達無貴州是無雲南漢
不能有貴必自巴蜀道邛笮達牂牁踰歷險遠不
能使黔滇被赫教唐亦于南詔不得志誠有由也
太祖撫有雲南貴州至成祖竟郡縣其地不特貢
賦與諸服同而道路畢達矣太祖平滇詔書言需
翠輩不盡服雖有雲南不能守也成祖廢二田勦
臺羅斬苗賊奄有貴州而
郡縣之其亦成前志哉

洪武初令應天太平鎮江廬州鳳陽揚州六府滁和
二州民皆牧馬既而復令飛熊廣武英武三衛軍五
人共養一馬歲課一駒解京尋又以牧監羣馬悉歸
有司專令民牧江南十一戶江北五戶各養馬一匹
免其身役課駒如三衛軍至是行之北畿計丁養馬
十五丁以下養馬駒如三丁以上養馬二其以事編

里下其損益利
病國不待智者
而知之也況宋
時戶馬保馬之
法責償于民文
彥博等力陳其
害前史可徵明
制竟至專令民
牧馬歲課一駒
計丁責數償什
斃而計學息征
派日增縱使免
其丁徭而貽患
無窮反不若力
役之尚有限制
弊政若此直全

發者七戶養一馬除其罪為良民自後馬日蕃輒責
民牧民年十五即養馬復散之山東河南民漸苦之
以牧監羣馬悲歸有司明史職官志洪武二十八年
乃悉罷羣牧監以其馬隸有司牧養養馬山東河南
按明會典宣德四年令山東兗州濟南東昌三府領
養孳生馬每五丁養騾馬一三丁養兒馬一正統十
一年令河南彰德衛輝開封三府照例領養孳生馬
匹飛熊廣武英武三衛軍按明會典飛熊衛屬前軍
都督府廣武衛屬左軍都督府
府英武衛屬右軍都督府

帝如北京皇太孫從命皇太子監國

以尚書蹇義學士黃淮諭德楊
士奇洗馬楊溥輔太子監國

堊仁孝皇后

不知以恤民為
務矣

先是帝營壽陵于昌平車駕臨視封其山
曰天壽至是始成名曰長陵以后塋焉
昌平軍都二縣後魏初省昌平入軍都天平中於軍
都城置東燕州及昌平縣後周州廢明正德元年升
縣為昌平州屬順天府今因
之天壽山在順天府北百里

夏四月帝至北京

帝于奉天殿丹陛設壇告天地遣官祭北
京山川城隍諸神遂御奉天殿受朝賀

五月定死罪納贖例

命法司定議死罪情重者殺之情輕者得納贖斬八
千貫絞六千貫流徒以下納鈔有差無力者發天壽

山種
樹

秋七月封阿嚕台為和寧王

先是帝自將擊破布尼雅實哩及阿嚕台兵衛拉特瑪哈穆特上言請得早為滅寇計繼又累請封賞留勅使不遣帝遣中官賁勅責之未幾瑪哈穆特弑其主布尼雅實哩立塔爾巴為汗阿嚕台遣使來告願輸誠內附為故主復仇請發兵討賊質實衛拉特舊自率所部為先鋒帝義之故有是命質實衛拉特舊巴哈穆特舊作馬哈木塔爾巴舊作答里巴今並改

八月北京地震

十一月瑪哈穆特犯邊命將士嚴守備

瑪哈穆特兵渡欽馬河將入犯揚言襲阿嚕台開平守將以聞因命邊將嚴備

十二月張輔沐晟大敗交趾賊于愛子江

時輔偕晟合軍至順州賊黨阮帥等設伏愛子江據山列象陣迎敵輔戒士卒一矢落象奴二矢射象鼻象奔還自蹂其衆乘勢進擊矢落如雨賊大敗生擒偽將軍潘徑阮徐等五十六人遂追奔盡降其衆

質實

愛子江在順州東北

甲午十二年春二月詔親征衛拉特

阿魯台使至言瑪哈穆特率騎卒至興和偵朝廷動靜帝下詔親征以柳升領火營鄭亨領中軍陳懋李彬領左右哨王通譚青領左右掖劉江朱榮為前鋒先遣榮等率師駐興和

質實

李彬字質文鳳

陽人封豐城侯王通咸寧人金鄉侯真之子封成山侯

振鳳翔隴州饑

鳳翔隴州饑振之
按長吏不言者罪

三月張輔追獲陳季擴于老撾

輔進軍政和賊帥胡同降言偽將軍鄧景異率黨黎
蟾等七百人逃遶蠻昆蒲柵輔進師羅蒙江道陰捨
騎行比至賊遁追至叱蒲捺柵賊又遁昏夜行二十
餘里輔率將校銜枚疾趨黎明抵叱蒲幹柵江北賊
寨南岸官軍渡江圍之矢中鄧景異脅擒之追捕鄧
銘鄧銘等又遣別將追斬偽將軍阮帥於南靈州初
季擴逃入安山中輔遣都指揮師祐襲之走老撾輔
令祐深入破其三關賊黨盡奔遂縛季擴及其孥送
京師質實羅蒙江在交趾廢田和縣界三關方輿
新之質實紀要在老撾之東南與交趾接界處

帝發北京皇太孫從

帝謂侍臣曰朕長孫聰明英銳智勇過人宜歷行陣
俾知兵法且可悉將士勞苦知征伐不易又命學士
胡廣庶子楊榮諭德金幼孜等每
日軍中閒暇即為太孫講論經史

夏六月至和拉和錫袞大破衛拉特兵追至圖拉河瑪

哈穆特遁

前鋒都督劉江等遇敵于剛哈拉海擒斬數十人帝
命諸軍兼程進至和拉和錫袞瑪哈穆特等三部率
衆逆戰見陣整頓兵山嶺帝升高阜見寇衆分三隊
遂令鐵騎挑之寇奮而下帝命柳升等攻其中陳懋
王通攻其右李彬譚青馬聚攻其左神機銃砲齊發
帝親率鐵騎馳擊大破之斬其王子十餘人部衆數

千級追奔度兩高山寇勒餘衆復戰又敗之追至圖
拉河瑪哈穆特適帝欲窮追皇太孫請及時班師從
之宣捷于阿魯台還至三峰山阿魯
台遣使來朝遂以平衛拉特詔天下
所實和拉和錫
要在漠北故和林東剛哈拉海亦漠北地去和拉和
錫衮舊作忽蘭忽失溫剛哈拉海舊作康哈里孩今
並改

秋八月帝還北京

御奉天殿受朝賀
宴羣臣論功行賞

發明

成祖親征漠北至輒平定威之所加遠矣攷
其時北庭亦實有可乘之間焉瑪哈穆特負

篡逆罪阿魯台又從而傾之故得摧其強及阿魯
台敗于衛拉特而額森等又從而叛之故得威其

勢冠自仇殺反覆不常中國乃得
弭釁而奏功豈徒師武臣力哉

蠲北京州縣田租二年

九月下右春坊大學士黃淮等于獄

帝親征還太子遣使進迎鑾表帝以其緩且奏書失
辭時入高煦譖悉徵東宮官屬問罪黃淮先至遂下
獄越日楊士奇及司經局正字金問至命法司鞠治
宥士奇召問東宮事士奇叩頭言殿下孝敬誠至凡
所稽遲皆臣等罪上悅而罷諸臣奏士奇不宜獨宥
乃下錦衣衛繫之未幾特宥復職金問辭連楊溥等
遂並徵質實金問字公
下獄素吳人

濟熿失愛于父
不思自反轉以

冬十一月廢晉王濟熿為庶人進封平陽王濟熿為晉

此積憾而并及其兄其微很頑匪何足令之紹封承緒況濟熿自嗣位以後未開侯度有愆乃遽信其弟讒構之言重加黜奪以養成濟熿罪惡至于人莫敢言舉持顛倒已極又何怪高煦兄弟之蓄謀樹奔乎

王

濟熿少狼戾失愛于父及長太祖召秦晉燕周四世子及庶子之長者教于京師濟熿與燕王子高煦周王子有慙邪詭相比兄濟熿嗣位帝封濟熿平陽王濟熿追憾其父并憾濟熿嗾其弟慶成王濟炫等日訴濟熿過于朝又誘府中官校文致其罪帝信之奪濟熿爵及世子美圭並為庶人俾守恭王園而立濟熿為晉王濟熿立並橫暴進毒弑嫡母謝氏逼孫恭王侍兒吉祥幽濟熿父子蔬食不給父兄故侍從宮人多為所害莫敢言質實濟熿濟熿並晉恭王桐之子

命翰林學士胡廣等修五經四書及宋儒性理諸書

諭胡廣等曰五經四書傳註之外諸儒有發明者其採附于下周程張朱所著如太極通書西銘正蒙亦

類聚成編命舉朝臣及四方文學之士同纂修開館東華門外廣等總其事書成名曰大金

蠲蘇松杭嘉湖水災田租

蘇松杭嘉湖水災蠲田租四十七萬九千餘石

乙未十三年春正月瑪哈穆特遣使來朝

瑪哈穆特遣使謝罪貢馬詞極卑順帝曰衛拉特故不足與較受其獻館其使者

二月張輔等師還

張輔既定交趾至是班師還論功賞賚有差

釋工作囚徒

先是命出繫因輸作贖罪既而多亡者有司請捕之
帝曰此皆衣食空乏出于不得已遂命見役者俱還
家共釋四千
九百餘人

三月帝策士于北京

賜陳循等三百五十一人及第出身
有差建進士題名碑于北京國子監
質實陳循字德遵泰和人

罷海運

會通河既濬漕運
大通遂罷海運

夏四月命英國公張輔出鎮交趾

輔班師甫還會韓觀卒復命佩征夷將軍
印出鎮輔至交趾討餘寇陳月湖等平之

兵部尚書兼詹事金忠卒

忠少讀書善易卜兄成通州亡忠補成既至編卒伍
賣卜北平市多中市人傳以為神僧道衍稱于帝將
起兵召忠卜得鑄印乘軒之卦曰此象貴不可言自
是出入燕府常以所占勸舉大事帝深信之遂贊戎
務為謀臣及帝即位論佐命功擢工部右侍郎進兵
部尚書帝起兵時高煦從戰有功許以為太子邱福
等勸立之獨忠以為不可歷數古適尊事帝不能奪
于是立世子為王太子而忠為東宮輔導以尚書兼
詹事帝北征輔太子監國帝入高煦譖悉徵東宮官
屬下獄以忠黜舊不問而密令審察太子事忠言無
有帝怒忠免冠頓首願連坐以保之以故太子
得無廢而宮僚黃淮楊濤等亦獲全至是卒

五月丁酉朔日有食之

開清江浦

卷六

初漕粟至淮安陸運以達清河勞費甚鉅平江伯陳瑄總漕運來故老言請自淮安城西管家湖鑿渠二十里為清江浦導湖水入淮置四閘以宣洩又質實緣湖十里築隄引漕舟直達于河漕運稱便
清江浦在淮安府山陽縣西北運河由此出清口為水陸孔途舊名沙河宋轉運使喬維岳所開其後淤塞瑄因其舊渠開河置牐易名曰清江浦清河泗河亦名清河在清河縣治西自山東泗水縣由徐邳經桃源縣至清河縣西北分為大小清河大清河由縣東北小清河由縣東南俱入于淮管家湖在淮安城西望雲門外舊有南北二湖自湖至淮河鴨陳口僅二十里與清河口相直四閘曰移風曰清江曰福興曰新莊以時啓閉嚴其禁時浚儀真瓜州通湖鑿石梁百步二洪平水勢開泰州白塔河通大江築高郵

湖隄隄內鑿渠亘四十里以疏湖流

發明

天下之賦半出東南東南之水不治漕運何由北達永樂九年既復會通河至是復因喬

維岳故道開清江浦湖水入淮始通漕舟視舊之輸輓艱而人力費者其利溥矣此齊魯之間求禮功多江淮之間陳瑄功多也夫

六月振北京河南山東水災

秋八月振山東河南北京順天州縣饑

九月北京地震

冬十月命死罪皆五覆奏

時法司奏冒支官糧者帝怒命戮之及覆奏帝曰朕過矣其論如律自今死罪者皆五覆奏著為令

十二月蠲順天蘇州鳳陽浙江湖廣河南山東州縣水

旱田租

丙十四年春正月振北京河南山東饑

免永樂十二年逋租發粟一百三十七萬石有奇振之

三月阿魯台敗衛拉特來獻捷

瑪哈穆特與阿魯台戰阿魯台敗之執俘獻捷賜賚有差

夏四月禮部尚書呂震請封禪不許

禮部郎中周訥請封禪震力譖之言聖德神功昭格上下宜如訥請帝謂震曰今天下雖無事然水旱疾疫亦間有之朕每聞郡縣上奏未嘗不惕然于心豈敢自謂太平之世且聖經未嘗言封禪唐太宗亦不為封禪魏徵每以堯舜之事望太宗爾欲處朕於太宗之下亦異乎徵之所以愛君者矣不許

發明

封禪非古也其事始于秦震禮官籍其說以希主謬矣曹縣獻騶虞榜葛刺國獻麒麟震

皆賀至大巖山三呼萬歲震以為山川效靈帝斥為非君子事君之道乃終不改壽星見則賀五色雲見則賀金水河太掖池冰凝亦賀宗伯之職不務寅清之道止言祥瑞夫古者巡狩方岳告祭柴望所以尊天而懷百神非封禪之謂震請封禪且逢事輒賀豈徒不學無術哉蓋亦諛諛實甚矣

秋七月河決開封

決開封州縣
十四入于淮

掌錦衣衛事紀綱伏誅

成祖篡奪之初
果於殺戮以立
威洩憤陳瑛遂
得逞其毒手以
覬倖寵恩迨天
下既定更宣布
德示公廓然昭
無我之度乃復
信用紀綱俾得
售其黷惡其意
何居至此輩終
不免于刑戮能
及其誅夷天下
之蒙其毒者已

綱便辟詭譎善鉤人意帝愛幸之令典詔獄都御史
陳瑛滅建文朝忠臣數十族親屬被戮者數萬人綱
希帝旨廣布校尉日摘臣民陰事掌錦衣衛事綱益恣
誣誡帝以為忠擢都指揮僉事掌錦衣衛事綱益恣
橫且謀不軌內侍讐綱者發其罪命給事御史廷劾
下都察院按治具有狀即日磔于布家屬無少長皆
戍邊天下快之

九月京師地震

始命御史巡鹽

衆瑣綱凶險固
不足責成祖亦
殘忍不仁也哉

冬十月帝還京師

十一月議營建北京

先是車駕至自北京將分建兩都工部奏請擇日興
工帝以營建事重命文武羣臣議之上疏曰北京乃
聖上龍興之地北枕居庸西峙太行東連山海南俯
中原沃壤千里山川形勝足以控四夷制天下誠帝
王萬世之都也比年聖駕巡狩萬國來同民物阜成
嘉祥協應天意人心昭然可見然重千勞民延緩至
今惟宗社大計正當為之時況今漕運已通儲蓄充
溢營建之辰天寶啓之乞早賜聖斷勅所司興工以
成國家悠久
之業從之

召張輔還

輔凡四至交趾前後建郡邑及增設驛傳
遞運規畫甚備交人所畏惟輔至是召還

丁酉十五年春二月谷王穗有罪廢為庶人

穗自徙封長沙恃前開門功日益驕恣奪民田侵公
稅殺無罪人招匿亡命習兵法戰陣謀不軌其護衛
張興懼禍及因奏事北京白之帝帝未信興過南京復
啓太子且曰乞他日無連坐穗致書蜀王椿為隱語
欲結椿為援椿貽書切責不聽會椿子崇寧王悅燭
得罪逃穗所穗因詭衆曰我聞金川門出建文君今
在邸中我將為中大義椿聞之上變告帝嘆曰朕待
穗厚張興常為朕言不忍信今果然乃召穗入朝示
以蜀王章穗伏地請罪羣臣請誅之又下諸王議皆
以為當死帝曰諸王羣臣奉大義國法固爾吾寧生
穗乃廢穗及其二子並為庶人
誅諸通謀者興以先發不坐

命豐城侯李彬鎮交趾

命彬佩將軍印充總兵官往鎮交趾且諭曰交趾本中國地其人皆朝廷赤子朕懷撫綏勤于夙夜爾久事藩邸付茲重寄宜日親賢人君子效古良將之所為審度事機區畫有法庶副朕委任

命泰寧侯陳珪繕北京工柳升王通副之

鑄印給之制視都督府文曰繕工之印

三月漢王高煦有罪徙封樂安州

高煦恃寵橫行募兵劫掠不軌之極已形至于撓殺指揮尤目無法紀成祖既慮得其事立加

高煦初封雲南煦曰我何罪斥萬里不肯行帝北巡力請歸南京不得已聽之又請得天策衛為護衛曰唐太宗天策上將吾得之豈偶然又乘間請益兩護衛所為益恣每從北征在帝左右媒孽東宮事譖解

廢黜實為罰蔽
厥辜當時太子
不念其譖害之
惡曲示包容雖
稱大度若國典
所在宜參以
兄弟私情況削
爵拘囚不過少
示挫辱手高煦
又復何損倘因
此思愆改善或
可長其保全乃
太子以婦人涕
泣陳請仍令就
藩坐使衆獲性
成異謀潛蓄化

縉至死黃淮等繫獄已而改封青州又托故不欲往
帝始疑之高煦私選各衛健士為腹心又募兵三千
人不隸籍兵部縱使劫掠兵馬指揮徐野驢擒治之
高煦手鐵爪撻殺野驢衆莫敢言遂潛用乘輿器物
帝聞之怒還京師盡得其不法數十事召至切責之
褫冠服繫西華門將廢為庶人皇太子涕泣力救乃
削兩護衛誅其左右數人
徙封樂安州趣即日行
令升為府領州一縣九屬山東省天策衛隸南京前
軍都督府西華門紫禁城其門凡八曰承天門曰端
門曰午門東曰左掖門西曰右掖門再東
曰東華門再西曰西華門向北曰玄武門

帝北巡命皇太子監國

帝巡北京命皇太子監
國胡廣楊榮金幼孜從

日道遙見繫竟
至身殞銅缸則
一朝姑息之愛
適以貽之害耳

秋八月甌寧人進金丹斤之

行在通政司言甌寧縣人進金丹及方書帝曰此妖人也秦皇漢武一生為方士所欺求長生不死之藥此又欲欺朕朕無所用金丹令自食

質實

甌寧縣宋置明與建

安縣同為建寧府治今因之

九月曲阜孔子廟成

修曲阜孔子廟訖

工帝親製文勒石

冬十一月命趙昀巡督塞北屯戍

以昀為兵部尚書巡督塞外凡軍民利病及邊務不便者具以聞

質實

趙昀字雲翰夏縣人

戊十六年春正月交趾復亂

交人故好亂中官馬駢以采辦至大索境內珍寶人情騷動桀黠者鼓煽之大軍甫還即並起為寇順州土官段公丁陳思齊力戰死李彬遣將討滅之而反者猶不止至是賊樂巡檢黎利及乂安知府潘僚南靈州千戶陳順慶乂安衛百戶陳直誠復乘機作亂其他奸宄四起自署官爵皆殺將吏焚廬舍彬東西征勦日不暇給利初事陳氏為金吾將軍歸命後授巡檢以是常怏怏及大軍還遂僭稱平定王以弟石為相國與其黨放兵肆掠交趾左右參政侯保馮貴死焉帝以賊久未平命榮昌伯陳智為左參將助彬討之其後羣寇悉破滅惟利竄匿老質實段公丁陳思齊交趾搆彬檄其長發所部兵捕之不獲南策州人侯保贊皇人交趾右參政黎利為寇保率民兵築堡于要害禦之賊來攻保戰死焉貴武陵人

成祖時所號功
臣其始皆燕藩
逆黨然諸人不
過附和擁戴尚
非構叛之尤若
姚廣孝出自緇
流當其選僧而
請侍燕邸則在
洪武時早已隱
懷不軌迨燕王
欲稱兵犯順有
人心向彼之言
尚不無少懷忌
憚而廣孝屢陳

交趾左參政撫輯流民歸附者衆有土兵二萬餘人
皆勁勇習戰每出陣有功中官馬騏疾之盡奪其土
兵及黎利反衆強貴勦捕止以卒數
百遇賊兵貴力戰而死陳智壽州人

三月姚廣孝死

帝用兵有天下廣孝之力為多既拜太子少師歸長
洲候同產姊姊不納訪其友王賓賓亦不見但遙語
曰和尚誤矣和尚誤矣復往見姊姊
詈之廣孝惘然至是死追封榮國公
王賓不見廣孝舊史例議謂廣孝出振蘓湖至長洲
曾徒步訪賓賓謹若平生為作振災記鋪陳其功德
考震澤記聞賓稱吳中高士豈肯漫作諛語頌要人
功德且其記亦不傳舊說不足信今明史廣孝本傳
采建遺文跡
語當可據

夏五月重修太祖實錄成

天道力為從患
本其好亂之心
復佐以陰鷙之
謀又適會骨肉
危疑釁端有在
遂思一逞以快

胡廣卒

夏原吉等重修太祖實錄成上之共二百五十七卷
為二百五十冊又實訓十五卷為十五冊御殿以受
令別錄藏古今通
集庫頒賞有差

其心令成祖永
被惡名而忠帝
遂傾國祚身為
戎首實不容誅
以視左吳伍校
之派其教反同
而凶險實為過
之顧欲自比于
劉秉忠其亦不
倫甚矣今特據

廣以醇謹見幸帝北征與楊榮金幼孜從數召對策
殿式至夜分過山川阨塞立馬議論行或稍後輒遣
騎四出求索帝再北征皇長孫從命廣與榮幼孜軍
中講經史帝徵烏斯藏僧作法會為高帝高后荐福
言見諸祥異廣乃獻聖孝瑞應頌禮部郎中周訥請
封禪廣言其不可上却封禪頌帝益親愛之廣性鎮
密帝前所言及所治職務出未嘗告人故始終保恩
寵時人以方漢胡廣及是卒廣初與解縉同侍宴

揚雄賈充等例
從文書死以著
其罪且以見亂
臣賊子之斷不
容有佚罰也

帝曰爾二人生同里仕又同官縉有子廣女可妻之
廣頓首曰臣妻方娠未卜男女帝笑曰定生女已而
果生女遂約婚縉子碩亮及縉家戍遼東廣欲離婚
女截耳誓曰薄命之婚上主之父面承之有死無二
越數年解家獲赦還女
卒歸碩亮事姑極孝

發明

廣秉性敦厚居官縝密故始終恩寵弗衰然
一以委蛇求合主意在建文朝則對策斥親

藩在永樂朝則以首先迎附見幸雍容掄揚曲學
阿世雖沒世固寵亦有愧其女矣廣既不能死而
又少骨鯁風為
世所譏宜哉

秋七月下贊善梁潛司諫周冕于獄殺之

時太子監國宦寺黃儼等黨趙王高燧陰謀奪嫡百
端譏構會有陳千戶擅取民財太子令謫交趾立功

後念其舊有軍功且宥之或言陳千戶不當宥太子
擅赦罪人帝怒以潛冕預聞之而不諫止輔導有關
俱下質實周冕繁昌人獄死

冬十二月申嚴官吏犯贓禁

帝諭法司曰唐太宗惡官吏貪濁犯贓必寘法吏尚
清謹民免掊克貞觀所以為盛朕屢勅中外諸司不
許妄役一夫擅歛一財而官吏恣肆
自若百姓苦之繼令犯贓必論如法

命成山侯王通振陝西饑

陝西旱命王通偕戶部官馳傳往振諭之曰民饑朝
不保夕譬之赴救水火當速往毋緩于是振饑民九
萬八千餘戶給米十
萬四千三百餘石

己亥十七年夏六月免順天水灾田租

倭寇遼東總兵官劉江擊破之

倭數寇海上南訖浙閩北抵遼陽凡瀕海郡邑多被害江總兵領之相度形勢至金州衛金線島西北望海塢上其地特高廣可駐兵防禦凡寇至必先經此實濱海咽喉地上疏請于此築城堡設烽堠嚴兵以待寇帝從之時瞭者言東南海島中舉火江急引兵赴塢上倭至王家山島乘海艖直逼塢上登岸魚貫行一賊貌甚惡揮兵率衆勢大銳江畧不為意依山設伏別遣將潛燒賊船斷其歸路以步卒迎戰佯却賊入伏中礮舉伏起賊大敗走入空堡中江開西壁縱之復分兩路夾擊盡覆之斬首千餘級生擒百餘人無一逸者自是倭實金線島在金州衛東又有大創不敢復入遼東實實蓮花島杏園島共七十二

島環列海濱望海碣在金線島北今屬奉天府寧海
縣碣地特高可屯兵瞭望為瀕海要地王家山島在
寧海縣東南海中空
堡為櫻桃園舊堡

冬十二月命在外死囚送京師審錄

帝諭法司曰刑者聖人所慎匹夫匹婦不得其死足
傷天地之和召水旱之災甚非朕寬恤之意自今在
外諸司死罪咸送京師審
錄必三覆奏然後行刑

御定資治通鑑綱目三編卷六

欽定四庫全書

御定資治通鑑綱目三編卷七

起庚子明成祖永樂十八年
盡己明仁宗洪熙元年 凡六年

庚子十八年春二月蒲臺妖婦唐賽兒作亂討平之

賽兒蒲臺縣民林三妻自稱佛母以幻術聚衆據益都卸石柵寨為亂指揮高鳳領兵捕之敗歿勢遂熾其黨董彥昇等攻下莒即墨圍安邱詔安遠侯柳升與都指揮劉忠將京軍往勦升至圍賊寨賊遣人說乞降云寨中食盡且無水東門舊有汲道議趨此宵遁升自以大將意輕賊信之即往據汲道賊夜襲官軍軍亂忠力戰中流矢死賽兒遁去比明升始覺追不及別賊賓鴻等攻安邱益急知縣張祺縣丞馬搗

集民夫八百餘人以死拒戰賊復合莒即墨衆併力
攻之聲言屠城都指揮僉事衛青備倭海上聞圍急
帥千騎晝夜馳抵城下奮擊敗之賊收餘衆再戰又
大敗之斬賊六千餘人時城中旦夕不能支使青救
稍遲城必陷比三日升始至青迎謁升怒其不待已
猝出之鰲山指揮王真亦賊賊諸城賊遂平而賽兒
卒不獲帝賜書勞青切責升刑部尚書吳中劾奏升
征勦妖賊失機冒功賊徒憑高無水且乏資糧當坐
困之升全不留心及臨賊境又不設備致賊夜斫營
殺傷軍士劉忠身先士卒升不救援衛青解安邱圍
反忌青功而摧辱之請治其罪遂下升獄擢青山東
都指揮使真都指揮同知旗撫左右參議已乃釋升
帝以賽兒久不獲慮削髮為尼或混處女道士中遂
命法司凡北京山東境內尼及女道士悉逮至京詰
之所在多擾既擢刑部郎中段民為山
東左參政民至力為矜宥人情始安
質實蒲臺漢
濕沃縣

地隋置蒲臺縣宋省入渤海縣金復置屬濱州元屬般陽路明仍屬濱州今屬山東武定府益都漢侯國三國魏置益都縣金益都府元益都路明仍置縣屬青州府今因之卸石柵在益都縣西南即墨齊邑漢縣為膠東國治北齊廢隋復于不其故城東北置即墨縣元屬膠州明屬萊州府今因之安邱春秋莒渠邱父封邑漢置安邱縣屬北海郡與琅邪之安邱異隋復置安邱縣宋金元仍舊明屬青州府今因之蠡山衛名在即墨縣東四十里洪武二十一年建令裁諸城漢諸縣北齊省入東武縣隋改諸城唐置密州治北明改縣屬青州府今因之高鳳張旗馬樞里系未詳衛青字明德松江華亭人王真里系未詳吳中字思正武城人段民字時舉武進人

夏六月北京地震

卷七
秋八月丁酉朔日有食之

九月召皇太子

北京宮殿將成欽天監言明年正月朔日上吉宜御
新殿遂遣夏原吉齋勅召皇太子尋又勅皇孫從行
期十二月
終至北京

詔自明年改京師為南京北京為京師

命行在禮部明年正月朔以北京為京師去行在稱
取南京各印信給京師諸衙門南京衙門別鑄加南
京二字

冬十一月以遷都詔天下

詔曰朕皇考高皇帝建都江左肇造邦基肆朕續承惟懷永圖眷茲北京實為都會天意所屬卜筮攸同乃仿古制徇輿情立兩京置郊社宗廟創建宮室上以紹先志下以詒子孫營建以來天下軍民樂于趨事天人協贊景貺駢臻令工告成以明年正朔御奉天殿朝百官

振青萊饑

凡十五萬三千七百餘戶皇太子過鄒縣見民草食下馬入民舍皆衣不掩體歎曰民隱不上聞若此乎山東布政使石執中來迎詰之對已奏請停今年秋稅太子曰民餓且死尚及徵稅耶速督郡縣勘饑民口數近地約三日遠五日悉發官粟振之執中請人給三斗曰與六斗汝母懼吾自奏上也及至京以聞帝是之曰昔范仲淹子猶能舉家周質實鄒縣漢置濟其父之故舊況百姓吾赤子乎

質實

鄒縣漢置

鄒明屬兗州
府今因之

十二月北京郊廟宮殿成

初營建北京凡廟社郊祀壇場宮殿門闕規制悉如
南京而高殿壯麗過之復于皇城東南建皇太孫宮
東安門外建十王邸通為屋八千三百五
十楹自永樂十五年六月興工至是乃成
城周十八里有
奇東曰東安門

置東廠

帝七年已令中官刺事及北京初建尤銳意防奸令
錦衣官校專司緝訪復慮外官瞻徇乃立東廠于東
安門北以內監掌之由是中官
之勢日重訖于明亡不可復制

發明

明太祖初制內侍不許讀書惟置監局而不兼文武銜不侵外廷政備掖廷供灑掃而已

建文御內侍嚴多逃入燕軍洩朝廷事成祖德之即位後頗加委任監軍出使將兵分鎮往往用之乃至立東廠刺外事寄以心腹勢敵錦衣後憲宗信用汪直更有西廠之設羅織益橫倍于東廠洎末季乘時竊柄日擅威福元氣削而天下用是危矣此東廠為濫觴而成祖實階之厲也

辛丑十九年春正月遷都北京赦

正月甲子朔上躬詣太廟奉安五廟神主命皇太子詣天地壇奉安昊天上帝后土皇地祇神主皇太孫壇奉安山川諸神主御奉天殿受朝賀甲戌大祀天地于南郊戊寅實太廟五廟明會典國初于闕左建四廟德祖廟居中懿祖居東第一

廟熙祖居西第一廟仁祖居東第二廟廟與主皆南向三祖合食于德祖廟德祖南向三祖以次東西向洪武九年改建太廟其制為正殿前後為寢殿俱翼以兩廡寢殿九間以一間為一室中一室奉安德祖神主懿祖居東第一室熙祖居西第一室仁祖居東第二室主皆南向及時享于正殿德祖居中南向懿祖列于左西向熙祖列于右東向仁祖列于懿祖之次西向洪武三十一年以後奉安高廟神主于寢殿西第二室居熙祖之次此南京太廟之制及遷都北京建廟與南京同天壇在正陽門外南郊地壇在安定門外北郊社稷壇明會典國初太社太稷異壇同壇祭太社以后土勾龍氏配祭太稷以后稷氏配洪武十年改建社稷壇于午門外之右同壇同壇臨祭時太社居東太稷居西俱北向奉仁祖配西向至是始罷勾龍后稷洪武三十一年後更奉太祖配永樂中北京社稷壇成與南京舊制同山川壇明會典國

初建山川壇于天地壇之西正殿七間祭太歲風雲
雷雨五嶽五鎮四海四瀆鍾山之神東西廡各十五
間分祭京畿山川壇西有先農壇壇東有旗纛廟壇
南有藉田一所京師山川壇俱與南京舊制同惟正
殿鍾山之右添
祭天壽山之神

夏四月奉天謹身華蓋三殿災詔羣臣直言闕失

詔曰朕仿古建二京乃三殿同災朕心惶懼意者敬
天事神禮有怠歟祖法戾政務乖歟小人在位賢士
隱遯歟刑獄冤濫歟讒慝交作歟掊克及田里歟蠹
財妄費用無度歟租稅太重徭役不均歟軍旅未息
征調無方饋餉乏歟工作過度民力敝歟奸人附勢
羣吏弄法有司闕茸不治歟爾文武羣臣條陳無隱
于是詔罷不便于民及不急諸務蠲十
七年以前逋賦及十八年被災田租
質實華蓋殿
在奉天

殿北再北
曰謹身殿

命蹇義等分巡天下安撫軍民

以三殿災勅廷臣二十六人分巡天下
問軍民疾苦文武長吏擾民者奏黜之

殺主事蕭儀

立國原不徒恃
金湯為固然如
燕地負山帶海
形勢雄偉臨中
夏而控北荒誠
所謂扼天下之
吭而拊其背者
故金元皆以此

左庶子兼侍講鄒緝應詔上言畧曰陛下肇建北京
工鉅費繁調度甚廣農民終歲供役猶且伐桑棗以
供薪剥桑皮以為楮加之官吏橫征日甚一日非其
土產動科千百小民轉購他所其值倍蓰及至進納
多不中程徃復輾轉重為民累又自營建以來工匠
假托威勢驅民移徙號令一出屋宇立摧與突粗完
又復重徙有三四遷而不能定居者此陛下所不知
而民人疾怨者也貪官污吏徧布內外朝廷每遣一

龍興虎視其比
建康偏安之地
相去迥若天淵
成祖自就封北
平屢經出塞凡
天時地利所在
審之已熟故即
位以後決計遷
都定其規模而
後從事卓識獨
斷誠非近慮者
所可及不得以
戀舊卹嘗之也
至若非常之原
黎民所懼一時
營建工役繁興

人虐取苛求初無限
量有司承奉唯恐不
及剝下媚上有同交
易小民所積幾何而
誅求若此令山東河
南山西陝西水旱相
仍民至剝樹皮掘草
根為食而京師聚僧
道萬餘人日耗廩米
此奪民食以養無用
也朝廷歲費錢幣市
馬外蕃所出數十萬
而所取不能一二散
馬民間馬死輒令賠
補不知人民耗矣多
馬奚裨漠北降人皆
懷窺覷非真遠慕王
化乃使羣居輦轂盛
供帳厚賞賚以優之
此豈足明廣大耶夫
奉天殿陛下正朝也
災首及焉自非省躬
責己改革政化疏滌
天下窮困之人不能
上回天怒願陛下還
都南京保養聖躬散
遣工匠停止征派毋
聽小人重勞天下將
災沴不作太平可致
矣疏入不省時帝方
以定都詔天下忽罹
火災頗懼而言事者
僉云遷都
得無
罪
質實
蕭儀樂
安人

欽定四庫全書

御定資治通鑑綱目三編

自不能保其必
無怨讎蕭儀等
狃于舊生之見
紛紛諫阻實為
未達于事理不
知盤庚遷殷尚
屢念浮言之弊
動則可與樂成
難與慮始者寧
獨後世為然哉

五月出給事柯暹御史鄭維桓等為知州

柯暹鄭維桓等言事
質實柯暹字啓暉沁州建
德人鄭維桓慈谿人

秋八月辛卯朔日有食之

冬十一月遣使覈天下庫藏

分遣內官監察御史查勘兩京
及天下庫藏逐年出納之數

下戶部尚書夏原吉等于獄兵部尚書方賓自殺

帝將大舉北征詔原吉賓及刑部尚書吳中等議皆
以為兵不當出帝召賓賓力言軍興費絀帝不憚召
原吉問邊儲多寡對曰比年師出無功軍儲十喪八
九災眚迭作內外俱疲乞遣將往征勿勞車駕立命

原吉出視開平糧儲而吳中入對如賓言帝益怒下原吉及中子獄賓懼自經死遂命侍郎張本等分往山東山西河南及應天順天諸府督造糧車發丁夫輓運期以明年二月集宣府

下侍讀李時勉于獄

先是時勉應求言詔條上時務十五事極言北京營建之非及遠國入貢人不宜使羣居輦下忤帝意已觀其他說多中時病抵之地復取視者再率多施行會大臣希旨詆言者謗訕至是遂下獄

壬寅二十年春正月己未朔日有食之

罷朝會詔羣臣修省

三月詔有司遇災先振後聞

戶部奏直隸開州等州縣民饑帝歎曰有司必至饑民嗷嗷始達于朝又必待命下乃振之餒死者已不逮矣其令自後遇饑即質實開州金置明屬大名府今因之驗實發倉振之而後聞

帝自將征阿魯台命皇太子監國

阿魯台初為衛拉特所敗窮威南竄帝納而封之數年生聚繁富浸桀驁拘留朝使其貢使歸多行剽掠又時出沒塞下為寇至是大興和殺都指揮王煥帝于是決策親征

夏六月雨水傷稼

南北畿山東數十州縣霖雨傷稼

秋七月帝至沙磧原阿魯台遁遂征烏梁海

大軍至開平謀報阿魯台攻萬全諸將請分兵還擊
帝曰詐也彼慮吾糧巢欲以此牽制我知大軍北行
必已喪膽況敢攻城哉疾驅之攻萬全者果遁去大
軍次沙磧原阿魯台大懼母妻皆誓之于是與其家
屬直北走盡棄輜重於庫楞海側乃命發兵焚之收
其牲畜而還帝謂諸將曰阿魯台敢悖逆恃烏梁海
為羽翼也當移師剪之遂簡步騎二萬五道並進諭
曰軍至寇且西走邀之必獲至奇拉爾河其衆數萬
果驅牛馬車輛西走過大軍倉卒迎戰帝麾騎夾擊
自率前鋒銜之斬首數百級餘走散其地背河面左
皆山大軍依山而軍帝乘高望之見其衆稍聚乃麾
兵繞出其右分兵渡河斷其後衆哭至盡獲之又麾
兵繞出其左先伏神機弩於深林中又命嚴陣山下
以待已而其衆盡棄輜重走左帝麾騎與山下兵馳
追之及林間伏發遂大潰追奔三十里斬部長數十
人別以兵徇河西斬獲甚衆烏梁海餘黨老弱皆詣

軍門質實沙瑄原在興和北奇拉爾河方輿紀要在
降 朵顏境內 奇拉爾河舊作屈裂兒今改

免南北畿山東河南州縣糧芻七十萬

南北畿山東河南各州縣水災糧三十三萬
八千有奇芻三十八萬有奇皇太子皆免之

八月詔班師

諸將分道捕擊者亦以
次獻捷乃下詔班師

九月帝還京師

壬戌帝乘法駕入京城躬告天地
宗廟社稷御奉天門朝百官受賀

下左春坊大學士楊士奇吏部尚書兼詹事蹇義于獄

成祖每出征輒
以國事委之太

子其還也必還
怒宮條紛紛下

獄至庾死者接
踵雖讎人交搆
所致亦由成祖
之處置失宜蓋
立儲已鮮克善
全而監國尤易
招疑釁即總師
以出大事原可
由行在親裁庶
務亦可簡重臣
分理何必令在
潛勿用之人總
攝朝政使媒孽
者得藉以爲辭

尋釋之

太子屢遭讒構帝以士奇輔導有闕下錦衣獄禮部
尚書呂震壻張鶴朝參失儀太子宥之帝怒義不匡
正命與震並下
質實張鶴時官
獄尋皆釋之
戶部主事

冬十月遣使覈天下倉儲

分遣中官及朝臣八十人
覈天下倉糧出納之數

閏十二月乾清宮災

戊寅夜乾
質實乾清宮在
清宮災
乾清門內

癸二十一年春三月御史王愈等決囚誤殺無罪四人

哉

坐棄市

監察御史王愈及刑部錦衣衛官四人會決重囚誤殺無罪四人事聞帝命法司執愈等償死即日皆棄

市質實

王愈修武人

夏五月免開封南陽衛輝鳳陽等府水災田租

去年夏秋霖雨黃河汎溢傷田稼帝命遣人按視蠲其租稅

質實

南陽秦郡元明為府今因之

趙護衛指揮孟賢等謀逆伏誅

先是高燧與高煦謀奪嫡時時譖太子凡太子宫僚多得罪既而帝聞其不法事大怒誅其長史顧晟褫高燧冠服以太子力解得免至是帝有疾護衛指揮孟賢等結欽天監官王射成及內侍楊慶養子造偽

詔謀進毒于帝俟晏駕詔從中下廢太子立趙王時
總旂王瑜姻家高以正者為賢等畫謀謀定告瑜瑜
上變帝曰豈應有此立捕賢等得所為偽詔帝顧高
燧曰爾為之耶高燧大懼不能言太子又力為之解
曰此下人所為高燧必不質實總旂明史兵志凡千
與知乃得免賢等悉伏誅
小旂十王瑜字廷墨山陽
人仕至右軍督都府僉事

六月庚戌朔日有食之

秋七月釋李時勉于獄復其官

帝復自將征阿魯台命皇太子監國

邊將言阿魯台將率衆南犯帝曰去秋寇犯興和朕
率師搃其巢穴復勦其黨烏梁海其窮甚矣今以朕

既得志必不復出朕當率兵先駐塞外以待之彼不虞吾兵已出而輕肆妄動我因其勞而擊之破之必矣于是部分諸軍以寧陽侯陳懋為前鋒馳攻之

八月免兩京山東郡縣水灾田租

皇太子諭戶部曰今年南北直隸并山東郡縣水旱之處糧芻皆無出而有司徵索不已甚為朝廷欲怨其悉蠲之

冬十月帝至上莊堡蒙古額森托噶來降詔班師

大軍至西陽河聞阿魯台為衛拉特所敗部落潰散遂駐師前鋒陳懋追寇至宿寇山不見敵遇王子額森托噶率妻子部屬來歸遣人馳奏命偕來入見帝大喜封為忠勇王賜姓名曰金忠賞賚甚厚遂班師

質實

上莊堡在萬全右衛北其地有上莊堡膳房堡新開口堡新河口堡俱永樂以後置今宣化府

萬全縣北境西陽河即西洋河在宣化府懷安縣西北自山西天鎮縣流入經西陽河堡下流與東洋河合宿窺山方輿紀要在興和北亦曰宿窺口度漠處也額森托噶元太保布哈六世孫額森托噶舊作也先土于布哈舊作不花今並改

十一月帝還京師

駕至京師陳鹵簿帝乘御輦入告天地宗廟社稷御奉天門朝羣臣時諸番貢使咸集闕下羣臣上表稱賀

甲辰二十二年春正月復詔北征

金忠數請擊阿嚕台願為前鋒自劾帝初不許會開
平守將言阿嚕台犯邊羣臣勸帝如忠言帝意遂決
敕邊將整兵俟命徵山西山東河南陝西遼東五都
司及西寧鞏昌洮岷各衛兵期三月會北京及宣府
質實西寧秦為西羌所居湟中地漢置破羌縣隋改
湟水縣為鄯州治唐吐蕃據之曰青唐城宋復
置鄯州又改西寧州明為衛今升府岷
州西魏置明為衛今復為州屬鞏昌府

夏四月帝發京師命皇太子監國

大學士楊榮金幼孜從楊士奇等留京師輔太子大
軍至開平獲謀者知阿嚕台遁帝意亦厭兵乃下詔
暴阿嚕台罪而宥其來降者諭諸將曰武有七德禁
暴除亂是其首也又謂止戈為武今罪人阿嚕台耳
脅從之衆有歸降者宜悉意撫綏非持兵器向我師
縱勿殺時比年用兵白骨被野帝命瘞諸道旁親製

文祭之至應昌宴羣臣命中官歌太祖御製詞五章
曰此先帝所戒後嗣也雖軍旅不敢忘帝亦自製詞
五章述奉天法祖勤政
恤民意亦命中官歌之

六月至達蘭納穆爾河詔班師

前鋒至達蘭納穆爾河不見敵命張輔等窮搜山谷
三百餘里無一馬跡帝進駐河上命陳懋等前覘懋
至白邨山無所
質實達蘭納穆爾河方與紀要在和
遇以糧盡引還
林東北或謂即庫庫諾爾元太
祖初會集部落之地白邨山方與紀要在漠外達
蘭納穆爾舊作答蘭納木兒庫庫諾爾舊作潤潤納
語兒今
並改

南京地震

欽定四庫全書

秋七月帝有疾至榆木川崩

帝還至清水源命楊榮金幼孜刻崖石為銘遣呂震以旋師諭皇太子詔告天下帝已不豫次倉崖成疾甚顧左右歎曰夏原吉愛我至榆木川疾大漸道詔傳位皇太子喪禮一如高皇帝遺制遂崩年六十有五楊榮金幼孜等議以六師在外秘不發喪鎔錫為牌以歛載以龍輦所至朝夕上膳如常儀榮及御馬少監海壽馳赴太子太子遣太孫奉迎鵬鷄谷太孫至于軍中始發喪將及郊迎入仁智殿加殮納梓宮質實榆木川在故開平城西北清水源在漠北永樂八年春帝北征過此甘泉溢出名之曰神應鵬鷄谷在宣府城東北二百七十里元雲州鵬鷄谷武四年于此置浩嶺驛宣德六年改置堡今屬宣化府龍門縣東境仁智殿在武英殿後

發明

成祖雄才遠畧世稱英主然以藩封篡立慙德實多革除之際慘行屠戮季年屢北征雖

威震沙漠而躬泣戎行亦云疲矣榆木川之變當時傳聞異辭如明輯畧明書等編謂成祖夜感異夢召問近臣且軍多訛言衆心惶惑及秘不發喪召匠鎔錫製枹以飲且殺匠滅口軍人莫測于是傳會者遂有不得善終之說裨官野史固未可據為傳信或由成祖前此之多行不義殘刻濫誅怨讟之于人所致耶

八月太子高熾即位

大赦天下以明年為洪熙元年

釋夏原吉黃淮等于獄復其官

時原吉及吳中楊勉黃淮楊溥金問皆久繫獄中遺詔至京師太子即釋之咨原吉以時事原吉對以振饑省賦役罷西洋取寶及雲南交趾

孫辦悉從之既即位復原吉等官

復置三公三孤官

洪武初置三公官以李善長等為之三孤無兼領者建文永樂間罷公孤官至是復設以公侯伯尚書兼之

加楊榮金幼孜楊士奇黃淮等官領內閣事如故

初解縉等入文淵閣皆編檢講讀之官不得專制諸司諸司奏事亦不得相聞白帝即位以榮士奇等皆東宮舊臣乃進榮為太常卿幼孜為戶部右侍郎兼文淵閣大學如故士奇為禮部左侍郎兼華蓋殿大

學士黃淮為通政使兼武英殿大學士俱掌內制已復置謹身殿大學士改榮為之未幾榮士奇皆遷尚書閣職漸崇

汰冗官

帝以古者官不必備令設官太冗廉汙無別則廉者之心或怠賢否並處則小人之勢常勝其令中外廉者罷之

九月召黃福于交趾以兵部尚書陳洽代之

黃福之在交趾固得鎮撫荒服之道而紀者遂謂交趾之亂由福召還而益熾殊不知試核

福在交趾十九年編氓籍定賦稅興學校置官師數召父老宣諭德意戒屬吏無苛擾一切鎮之以靜上下帖然帝以福久勞于外召還命兼詹事輔太子以兵部尚書陳洽代掌布按二司事福還之日交人扶

福在交趾時事如馬騏等以殊

辦激變致啓禍

源福并未嘗補

加我抑則所謂

戒無苛擾者安

在况自簡定陳

李擴黎利等相

繼盜兵老師靡

餉亦不聞福能

運籌戡定又何

可云上下帖然

追後福銜命再

往旋即命還幾

遭拘繫則福即

不召還其不能

携走送號泣不忍別福既還交趾賊邊劇訖不能靖

質實

陳洽字叔遠武進人

河溢開封

免今年田租命右都御史王彰往撫恤之

質實

王彰字文明鄭州人

詔自今官用物悉于所產地市之

詔工部曰古者任土作貢不强所無比年如丹漆石青之類所司不究物產之地縣徵郡縣科派病民自今官所用物必于所產地計直市之違者罪不宥

羣臣請公除不許

易月制滿禮部尚書呂震請即吉侍郎楊士奇不可尚書蹇義兼取二說進帝曰梓宮在殯易服豈臣子

通靖邊氛已可
舉見史家稱譽
過當大率如此

忍言士奇執是也帝乃素冠麻衣經而視朝時羣臣
皆已吉服惟士奇及英國公張輔服如常帝數曰輔
武臣也而知禮過六
卿由是益見親重

增諸王歲祿

先是召漢王高煦赴京比至與趙王高燧並厚賜之
復賜諸王金幣有差帝曰諸叔在者無幾諸兄弟唯
趙王居京師他皆守藩于外朕旦
夕念焉戶部其各益祿米差次之

始置南京守備

以襄城伯李隆為之兼領中
軍都督府事為南京要職
質實
此置南京守備之
始李隆字彥平和

州人潘
之子

欽定四庫全書

山壽以中官出鎮至與叛臣文好已難寔黨惡之誅及身自入朝復以招降為請力保無虞賴齋教甫往而寇患已深旋復以虛詞掩飾其欺罔之罪益無可逃況仁宗前此曾慮及為其所始因壽以死自明始從其策則說既不售即當備舉前言予之

鎮守交趾中官山壽請授黎利清化知府從之

初利未叛時與壽相善及利逃老撾益深匿李彬奏言利竄老撾老撾請官軍毋入當盡發所部兵捕利今久不遣其情叵測朝廷疑老撾匪賊令彬送其使臣至京詰問老撾乃逐利已而率衆求撫仍匿俄樂不出帝踐阼後尋寇茶籠敗鎮守叅將方政兵殺指揮伍雲會壽入朝力言利與已相信令往諭之必來歸帝曰此賊狡詐若為所紿則其勢益熾不易制也壽叩頭言如臣往諭而利不來臣當萬死帝領之遣壽齋教授利清化知府慰諭甚至教甫降利已犯清化殺指揮陳忠利得救無降意佯言俟秋涼赴官而寇掠質實茶籠交趾舊州屬又安府方政全椒人伍雲定遠人陳忠臨淮人

散畿內民所養官馬于諸衛所

顯爵乃非但不
加譴責反令其
得專進止坐使
奄豎以招撫養
癰疽賊猖獗其
失誠不能為之
起仁宗稱明之
令辟觀于此亦
慈惠有餘而英
斷不足者歟

諭兵部曰今太僕馬增數倍而畿民一夫或畜三匹
四匹畢力于此耕桑盡廢其散馬給諸衛所及臨邊
戍卒養質實明會典在京在外衛所俱有孳牧馬匹
習之質實以給官軍騎操之用在京及南北直隸
衛所屬兩京太僕寺在外屬各該行太僕寺苑馬寺
及都司皆委官提督每衛委指揮一員所千百戶一
員專管孳牧其搭配料駒起
解比較等項悉照民間事例

賜少傅兼吏部尚書蹇義等銀章

義進少傅楊士奇進少保楊榮進太子少傅金幼孜
進太子少保賜銀章各一曰繩愆糾繆諭以協心贊
務或政事有闕或羣臣言而未從者用此章密疏以
聞既而進戶部尚書夏原吉少保賜原吉銀章諭勉
如義士
奇等

冬十月復魏國公徐欽爵

初輝祖以忤成祖奪爵及卒復封其子欽十九年來朝不辭徑去成祖怒罷為民至是復故爵

四方奏報雨澤隨時首覽或晴

雨偶愆預壽補

救其法最善通

政司乃請送給

事中存貯是不

但視為具文并

與聖訓上聞者

何異仁宗處其

過抑仍令奏至

即聞深得敬天

愛民之戒

詔有司奏雨澤者即以聞

通政司請彙四方雨澤章奏送給事中收貯帝曰祖宗令天下奏雨澤欲前知水旱以施恤民之政積之通政司已失之矣今又令收貯是欲上之人終不知也自令奏至即以聞

立皇后張氏

后始為帝妃操婦道至謹雅得成祖及仁孝皇后懽帝數為漢趙二王所問體肥碩不能騎射成祖恚至減太子宮膳瀕易者屢矣卒以質實皇后張氏永城人故得不廢及帝立冊為皇后質實人兵馬副指揮

洪武間大封諸王據要郡擁重兵未以維城之效而禍變已生燕事其明証也迨永樂以後其覲觐非分者如齊如谷尚各懷僥倖之心利弊所在較然可覩則借鑒憤棘仁宗宜應念不及此乃即位之始即裂地以封諸

張騏之女騏追封彭城伯后于洪武十六年封燕世子妃永樂二年封皇太子妃

立子瞻基為皇太子封子八人為王

封子瞻堦為鄭王瞻墉越王瞻塏襄王瞻垺荆質實王瞻塏淮王瞻塏滕王瞻垺梁王瞻垺衛王鄭靖王瞻堦帝第二子就藩鳳翔後遷懷慶越靖王瞻墉帝第三子封衛州未之藩卒襄獻王瞻垺帝第五子就藩長沙後遷襄陽荆憲王瞻垺帝第七子就藩建昌後遷蘄州淮靖王瞻塏帝第七子就藩韶州後遷饒州滕懷王瞻塏帝第八子封雲南未之藩卒梁莊王瞻垺帝第九子就藩安陸衛恭王瞻垺帝第十子封懷慶未之藩卒其第四子為蘄獻王瞻垺初封靜樂王永樂十九年卒帝即位追封無後

詔舉賢才

子實為國仍謬
悞其後累朝遂
沿為故事滿封
幾遍中原陸岳
者雖旋即剪除
而裁抑者又不
無過刻逮宗祿
日眾供億不支
仰屋以壽託無
善策固明祖貽
謀不減而仁宗
目擊其病不能
早計變通亦昧
于權衡損益之
大端矣

令在京七品在外五品以上官及知縣于五品以下
官及軍民中訪薦德行惇篤才能出眾文學優長者
量才擢用舉後犯
贓則連坐舉者

命大學士會法司錄囚

帝性仁恕諭楊士奇楊榮金幼孜曰比年法司之濫
朕所深知所擬大逆不道往往出於文致自今審決
重囚卿三人必往同讞有
冤抑者雖細故必以聞

十一月宥建文諸臣家屬

詔禮部建文諸臣家屬在教坊司錦衣衛浣衣局及
習匠功臣家為奴者悉宥為民還其田土言事謫戍
者亦
如之

發明成祖革除之際為忠義所不容于是肆其毒虐倒行而逆施建文諸臣備遭慘酷而并取其家屬悉發教坊錦衣浣衣及興功臣為奴又并及其外戚全家戍邊怨毒之流古所未有仁宗心識其冤即位之初首宥諸臣家屬旋復放還外戚之戍邊者可謂寬大之政易稱幹父之蠱仁宗有焉

阿魯台來貢馬

阿魯台遣使貢馬賜賚有差
降敕宥其前過許令通好

詔羣臣極言得失

帝曰朕承大統君臨億兆亦惟賴文武賢臣共圖康濟矧屬亮陰之際尤切倚毗之心嗣位初首詔直言

而涉月累旬言者無幾夫京師首善地民困於下而不得聞獎膠于習而不知革卿等無慮後譴相與至誠必有嘉謨嘉猷輔朕不逮

赦烏梁海罪

帝遣使敕諭烏梁海官民曰朕承大統凡四方萬國罪無大小悉已赦宥若烏梁海官民敬順天道許令改過自新仍前朝貢聽往來生理諭侍臣曰彼有過而不宥之既無所容將來必為邊患吾不吝屈已以安百姓也

遣御史巡察邊衛

遣御史巡覈緣邊諸衛稽部曲申號令

遣御史分巡天下考察官吏

帝曰國以民為本民安則國安比年牧守官不體朝廷恤民之意侵削擾害民不聊生今分行考察然才器不同當明白其實以聞無惑于小人無屈于勢要無私于親故詢之于衆斷之以公可也又御史朕之耳目勉副朕心必先自治乃可治八若棄廉耻違禮法朕亦不貸往勉之

禁所司擅役屯田軍士

帝曰古者寓兵于農而不奪其時民無轉輸之勞而兵食足後世莫善于漢之屯田先帝立屯種法用心甚至所司數以征徭擾之既失其時遂無其效其令天下衛所凡屯田軍士不許擅差違者處重法

命都督方政同榮昌伯陳智鎮交趾

欽定四庫全書

命政與智協同鎮守智暗懦素無將畧憚戰因借撫以愚中朝且與政忤遂頓兵不進而山壽一意主撫專進止以故賊益猖獗官軍不能制

十二月宥建文諸臣外戚全家戍邊者留一人餘悉放還

建文中齊黃諸臣外戚全家謫邊者令家存一丁于戍所餘放為民

書天下三司官姓名于奉天門西序

帝曰庶官賢否軍民休戚所係唐太宗書刺史名于屏朝夕省覽聞有善政則各疏于下故當時皆思奮勵致治效斗米三錢外戶不閉皇考亦嘗書中外官姓名于武英殿南廊今五府六部朝夕接見得詢察

賢否若三司官朕既不忘有善上忘誰肯自勵有不善否邪正既久不能不忘有善上忘誰肯自勵有不善上忘亦誰肯自戒如此何以望治具書三司官姓名揭諸西序朕得觀之以考察行事而黜陟焉

葬長陵

謚曰體天宏道高明廣運聖武神功純仁至孝文質皇帝廟號太宗葬長陵嘉靖中更廟號曰成祖

實長陵在昌平州天壽山中峯之下

明史贊曰成祖少長習兵據幽燕形勝之地乘建文孱弱長驅內向即位以後躬行節儉水旱朝告夕賑無有壅蔽知人善任表裏洞達雄武之畧同符高祖六師屢出漠北塵清季年威德遐被四方賓服受命入貢者殆三十國幅帙之廣遠邁漢唐成功駿烈卓乎盛矣然革除之際倒行逆施慙德

又曷可
掩哉

乙巳仁宗昭皇帝洪熙元年春正月壬寅朔御奉天門受
朝不舉樂

帝御奉天門朝羣臣命禮部鴻臚寺不作樂羣臣止
行五拜三叩禮先是禮部尚書呂震請受賀作樂如
大朝儀帝不從震固
請乃止受朝不舉樂

勅内外臣修舉職業

諭曰朕祇紹洪圖仰惟祖宗創業守成之難夙夜惓
惓體天為治嗣位初蠲逋負赦有罪不急之務一切
停罷選任賢良共圖維新之治期天下安於太平令
天下庶事未盡理生民未盡安斯朕之責亦爾文武

羣臣之責
尚思勉之

建弘文閣

建弘文閣于思善門詔選諸臣有學行者入直楊士奇薦侍講王進儒士陳繼寔義薦學錄楊敬訓導何澄詔以繼為博士敬為編修澄為給事中曰直閣中命學士楊溥掌閣事進佐之帝親授溥閣印曰朕用卿左右非止助益學問亦欲廣知民質實弘文閣殿事為治道輔有所建白封識以進

質實

弘文閣殿

仁宗即位建弘文館於思善門外駕常臨幸講論經史但作館不稱閣又考明典故紀聞仁宗作弘文閣於思善門外作印章命翰林學士楊溥掌閣事據此應是閣思善門燕史思善門外橋西為武英殿陳繼字嗣初吳人幼孤母吳氏躬織以資誦讀比長貫穿經學人呼為陳五經奉母至孝府州交薦以母老不

就母卒哀毀過人仁宗幸弘文閣問今山林亦有名士乎楊士奇以繼對召為國子博士尋改翰林五經博士宣宗初遷檢討引疾歸卒

二月命太監鄭和守備南京

命鄭和領下番官軍守南京於內則與內官王景宏等協同管事遇外有事則與襄城伯李隆等商議施行

帝耕藉田

帝躬祭先農耕藉田

南京地震

凡十有六震四月
又三震五月復震

三月以權謹為文華殿大學士

謹奉母至孝初為光祿署丞以省侍歸母年九十終
廬墓三年致泉湧兔馴之異有司以聞帝命駢驛赴
闕出其事狀令侍臣廷誦之即拜文華殿大學士
學士謹辭帝曰朕擢卿以風天下為子者
字仲常徐州人永樂四年薦授樂安知縣遷光祿署
丞至是拜大學士尋扈從皇太子監國南京宣宗嗣
位以疾乞歸改通政司右
參議賜白金文綺致仕

詔求直言

初大理寺少卿弋謙言事過激帝不懌尚書呂震吳
中等劾謙誣罔帝召士奇等言之士奇對曰謙不諂

大體然心感超擢恩欲圖報耳主聖則臣直惟陛下
優容之帝乃不罪謙然每見謙詞色甚厲士奇從容
言陛下詔求直言謙言不當觸怒外廷悚惕以言為
戒今四方朝覲者集闕下見謙如此將謂陛下不能
容直言帝曰此固朕不能容亦呂震輩迎合以益朕
過今當置之免謙朝參令專視司事未幾言者益少
復召士奇就榻前書敕引過曰朕即位以來臣民上
章以數百計未嘗不欣然聽納問者弋謙所言多非
實事羣臣交章奏其賣直請置諸法朕但免謙朝參
自是言者益少去冬無雪春亦少雨陰陽愆伏必有
其咎豈無可言而為臣者懷自全計退而默默何以
為忠朕于謙一時不能含容未嘗不自愧咎爾羣臣
勿以前事戒於國家利弊政令未當者直質實
言勿諱謙朝參如故尋擢為右副都御史
質實弋謙
人

發明弋謙以言事過激呂震吳中等輒劾其誣罔迨士奇進言仁宗已知震等之迎合且為下
救引過而於震中輩不聞有所踈斥史稱呂震佞
諛傾險吳中為時論所鄙皆一時宵小之流仁宗
為明辟既察其奸而優容如
故豈所謂英斷不足者歟

振隆平饑

隆平縣饑時柏鄉縣多貯官麥有司質實隆平漢廣
請以貸之帝曰饑即振之何貸為
宋改隆平明因之今縣屬趙州柏鄉漢鄆縣隋柏
鄉宋省為鎮後復置縣明因之今縣屬之趙州

詔法司慎刑

詔曰刑者所以禁暴止邪導民于善非務誅殺也吏
或深文傅會以致冤濫朕深憫之自今其悉依律擬

法令之當否詳
審至于再三斯
已可矣即處逆
克允亦唯擬之

欽定四庫全書

御定資治通鑑綱目三編

三省之三而止
必令法司五奏
往復雖多徒滋
煩冗究之五又
何異于三乎且
人主詳求庶獄
反覆披覽輕重
自無過情即介
于微微疑似之
間或覆勘以待
其平或集議以
乘于是自不致
猶有枉縱如必
待臣下執奏乃
允則明慎之謂
何而權勢下移

罪若朕過于嫉惡法外用刑法司奏執五奏不允同
三公大臣執奏必先乃已諸司不得鞭囚背及加人
官刑有自宮者以不孝論人之為非父子不相謀是
以舜罰不嗣文罪不孥自今非謀反勿連坐親屬古
之盛時采聽民言用資戒儆令奸人往往撫拾誣為
誹謗法吏刻深鍛鍊成獄刑之不中民則無措其除
誹謗禁有告者一切勿治

以陽武侯薛祿為鎮朔大將軍率師巡開平大同

敕命陽武侯薛祿佩鎮朔大將軍印充總兵官率
官軍自開平至大同緣邊巡哨遇寇相機勦捕質

實

薛祿膠入行六軍中呼
曰薛六後貴更名祿

命安平伯李安與榮昌伯陳智同鎮交趾

又聞其漸是徒
知欽恤之為美
而未識救法之
要領雖小道必
有可觀致遠恐
泥此之謂矣

帝改元後鑄將軍印分頒邊將智得征夷質實李安
副將軍印至是命安平伯李安往佐之
人莒國公
遠之子

詔北京諸司復稱行在

將遷都南京詔北京諸司悉稱行
在復北京行部及行後軍都督府

發明成祖建都北京為久遠計仁宗欲復都南京
乃復建北京行部及行後軍都督府其時南

北兩京官吏互為微調且諭內監王景宏等修治
南京宮殿意甚決矣仁宗即位初銳意求治多善
政獨此欲遷都一事深建成祖定制時南北困于
供億咸以都南京為便不知成祖排羣議而都北
京實據天下全勢而籌立國大計豈可輕
議遷移者乃士奇輩無一言諫及何哉

次定四軍全書

御定資治通鑑綱目三編

夏四月免山東淮徐今年租稅之半

帝聞山東及淮徐民乏食有司徵夏稅方急乃御西角門召士奇草詔免今年夏稅及秋糧之半士奇言上恩至矣但須戶工二部預聞帝曰有司慮國用不足必持不決救民之困當如救災拯溺不可遲也趨命中官具楮筆令士奇就門樓書詔帝覽畢即用璽付外行之顧士奇曰今可語部臣矣

命皇太子居守南京

命皇太子謁孝陵往居守

振河南及大名饑

河南監察御史行在戶部俱奏請發所在倉粟振濟從之

時勉抗言時事其是非姑不具論即其可罪何妨執付法司乃方召對之時遂令武士以金爪捶擊致使骨折殞絕殿廷尚復成何體制肯漢明帝自起撞郎見譏前史仁宗何亦有此過甚之舉耶

五月左遷李時勉羅汝敬為監察御史尋下獄

侍讀李時勉抗疏言事帝怒召至便殿對不屈命武士撲以金瓜賜折者三曳出幾死明日改交趾道御史命日慮一囚言一事章三上乃下錦衣衛獄時侍講羅汝敬亦言事改御史俱下獄
敬名簡以行字吉水人

帝不豫遣使召皇太子

召蹇義楊士奇黃淮楊榮至思善門命士奇書敕遣中官海壽馳召皇太子于南京

帝崩

年四十有八遺詔皇太子即位

六月太子瞻基至自南京即位

太子方謁孝陵海壽至太子即日就道時南京頗傳
凶聞又傳漢王高煦謀伏兵于道邀太子羣臣請整
兵衛或請從間道行太子不可曰君父在上誰敢干
之驛道馳還至良鄉內監楊瑛尚書夏原吉呂震捧
遺詔至宣訖太子哭盡哀入宮發喪越
十日即位大赦以明年為宣德元年
漢良鄉縣明屬
順天府今因之

尊皇后為皇太后立皇后胡氏

后于永樂十五年選為皇太孫妃
已為皇太子妃及是立為皇后
質實 后名善祥濟
寧人光祿寺

卿胡榮
之女

秋閏七月以翰林學士楊溥入內閣

罷弘文閣召溥入內閣與楊士奇等共典機務王進等以原職隸翰林院帝謂溥曰古君臣更相戒飭用致太平卿將何以輔朕對曰臣受國厚恩安敢忘報帝曰直箴朕過報朕多矣溥曰直言非難能受直言為難陛下既以命臣臣敢不盡忠以告

八月始置巡撫官

以大理寺卿胡概參政葉春巡撫南畿浙江設巡撫始此自是遇災荒盜賊輒遣大臣往巡撫事已召還成化以後遂成定員
質實 胡概字元節豐城人本姓熊隨母適胡氏因胡姓葉春海鹽人

九月塋獻陵

謚曰敬天體道純誠至德弘文欽
實寶獻陵在昌平
武章聖達孝昭皇帝廟號仁宗
州天壽山西

峯
下

明史贊曰當燕兵起仁宗以世子居守全城濟師
其後成祖乘輿歲出北征東宮監國朝無廢事然
中遭媒孽瀕于危疑者屢矣而終以誠敬獲全善
乎其告人曰吾知盡子職而已不知有讒人也是
可為萬世子臣之法矣在位一載用人行政善不
勝書使天假之年涵濡休養德化之盛豈不與文
景比
隆哉

更定科舉法

初制鄉試取士雖有定額自洪武十七年詔從實充貢母以額限嗣後遂多寡不一仁宗時楊士奇請定其額並言禮闈士試當分地而取仁宗以為然乃議鄉試取士南京國子監及南隸共八十人北京國子監及北直隸共五十人江西如之其次浙江福建又次湖廣廣東又次河南四川又次陝西山山東皆自五兩級廣西二十人雲南交趾各十人貴州有應舉者就試湖廣會試取士不過百人南人十六北人十四歲既定未及行
質實明初鄉試定額按明史選舉志洪武三年詔京師行
帝即位遂詔行之
省各舉鄉試直隸貢額百人河南山東山西陝西北平福建江西浙江湖廣皆四十人廣東廣西皆二十人
五入

御定資治通鑑綱目三編卷七

欽定四庫全書

吏部

御定資治通鑑綱目三編卷八

詳校官庶吉士_臣朱理

編修_臣裴謙覆勘

總校官舉人_臣章維桓

校對官學錄_臣常循

膳錄監生_臣劉鈺

欽定四庫全書

御定資治通鑑綱目三編卷八

是年明宣宗宣德元年凡六年
盡辛亥明宣宗宣德六年

宣宗章皇帝宣德元年春正月赦死罪以下運糧宣

府自贖

勅諭刑部都察院大理寺曰歲事肇新春生伊始見
問罪囚宜從寬其除情重者不宥外餘皆有罪俾運
糧赴軍府其雜犯死罪自備糧十五石運納文職官
吏除用武職調衛徙運官糧十石武官復
職吏職官吏調用杖罪運官糧五石各還
職役軍民人等應運納者皆復役寧家

命吏部侍郎黃宗載等清理天下軍伍

時軍伍頗缺衛所勾軍州縣多不以實無丁之家誅求不已有丁之戶行賄得免興州軍士范濟詣闕言乃命宗載等十五人分往直省清理之其後定實實清軍例二十四條遣京卿給事中御史以為常黃宗載一名屋字厚夫豐城人官至吏部尚書

二月悉除開荒田逋稅

巡按山西監察御史張政言民人先有逃徙荒廢田土逋負稅糧近詔赦宥令其復業所有積逋悉為蠲免歡騰遠邇莫不來歸臣見山西民人多復愁沮蓋初逃時有司懼罪未申戶部負租不准開豁緣其舊業久棄今歸生計尚無若復追徵恐又逃徙帝謂夏原吉曰大赦之後何逋不除豈可謂初未申聞便要

徵納其即下有質實
張政廣
德人

耕藉田

南京地震

正月甲辰震至
是戊寅又震

三月榮昌伯陳智都督方政討黎利敗績

先是黎利攻圍茶籠又安知府琴彭署州事拒守閱
七月糧盡卒疲無援者巡按御史以聞奏至而仁宗
崩帝初即位敕責智及三司官智等不為意洪熙元
年冬茶籠陷琴彭死之尚書陳洽以聞帝敕智等責
以來春平賊召楊士奇楊榮於文華殿帝曰昨諭榮
昌伯等敕已行矣朕有一言獨與卿二人知之昔在

南京皇考曾與朕言太祖定天下安南最先歸化黎氏篡陳所必當討求陳氏之後不得故郡縣其地若陳氏尚有後立之猶是太祖之心而一方亦得安靜此語藏在朕心未嘗忘士奇榮對曰永樂三年初征黎賊凡誥敕皆臣等親承面命聖志惻惻在于興滅繼絕帝曰其時朕雖髫年尚記一二聖語亦如卿等所言卿二人但識朕意三二年內朕必行之至是智與政敗績于茶籠州智懦而多忌政勇而寡謀不相能而山壽擁兵又質實琴彭交趾人贈安不救是以屢敗質實交趾左布政使

以禮部左侍郎張瑛兼華蓋殿大學士直文淵閣

初帝為皇太孫瑛以給事中與陳山俱侍講讀至是以舊恩遂有是命瑛善承風旨雖參機務委蛇受成而已帝亦質實張瑛邢臺人陳山沙縣人

弗重也

質實

張瑛邢臺人
陳山沙縣人

交趾自永樂以後久隸版圖黎利等竊弄潢池徇兵犯順正王誅所必加雖陳智方政等敗衄相尋亦由于闔將非人耳宣宗既別簡重臣統兵進討而又聽楊士奇等珠崖之喻其時塞夏諸臣能不隨聲附和正宜相商

夏四月遣成山侯王通征黎利

時渠魁未平小寇蜂起宣化賊周城太原賊黃菴美苗賊潘可利雲南寧遠州紅衣賊長擎俱叛附利帝降旨切責智政以通為征夷大將軍充總兵官馬瑛為叅將帥師討利尚書陳洽參贊軍務智政俱削爵充為事官聽通節制通既出師一日帝御文華殿賽義夏原吉楊士奇楊榮侍帝曰交趾自建郡縣以來用兵無寧歲昨遣將出師朕反覆思之欲如洪武中使自為一國歲奉常貢以全一方民命卿等以為何如義原吉對曰太宗皇帝平定此方勞費多矣二十年之功棄于一旦臣等以為非是帝顧士奇榮曰卿兩人云何對曰交趾唐虞三代俱在荒服之外漢唐以來雖為郡縣叛服不常漢元帝時以賈捐之議罷珠崖郡前史稱之元帝中主猶能布行仁義況陛下父母天下與此豺豕較得失耶帝頷之五月下詔大

決策乃軍行甫
出國門而君臣
相顧已早為棄
地息兵之說厥
後王通但務講
和陳洽柳升相
繼戰歿喪師失
律坐為小醜所
困皆由于廟謀
之氣先餒耳

金史紀事本末卷八
赦交趾罪人黎利潘僚降亦授職停探
辦金銀香貨欲以弭賊而賊無悛心
三年置直隸雲南行省明洪武十五年屬臨安府宣
總元年與安南按明宣宗實錄交趾太原宣化二府
屬縣隣近雲南寧遠州其人皆紅衣黑胸故號紅
衣賊土官知州刀吉罕縱令劫掠命沐晟討之

頒外戚事鑑及歷代臣鑑

御製外戚事鑑及歷代臣鑑成頒賜外戚及羣臣帝
曰治天下之道必自親親始文武之臣欲同歸于善
前事之不忘後事之師也故于暇日采輯前代近戚
及羣臣善惡吉凶之跡類為此書用示法戒其擇善
而從以保福祿二
書皆帝手序之

五月錄囚

諭三法司曰古者孟夏斷薄刑出輕繫仲夏拔重囚
益其食所以順時令重人命也祖宗時遇隆寒盛暑
必命法司錄囚今天氣嚮炎不分輕重悉繫之非欽
恤之道卿等當體此心即量輕重區別之務存平恕
毋致深刻

詔毀身療親疾者不得旌表

初洪武中禮部定議凡人子卧冰割股者不在旌表
例至是總旗衛整女母病篤割肝煮液母飲之而愈
禮部特為請旌帝曰孝親有道割腹剖肝豈可為孝
若因此傷生其罪益大女子無知不必加罪所請不
允

六月免南京囚解行在

行在刑部都察院奏南京輕重罪囚俱解赴行在道中亡故者多其囚已經大理寺審允又赴行在則復矣宜令南京刑部都察院除軍民職官命婦犯輕重罪及旗軍校尉力士餘丁犯徒流死罪皆監候奏請其餘皆就彼依律決遣從之

秋七月京師地震

始立內書堂

內使之職止于供給使令即令讀書亦不過教之識字記姓名略解大義而已特開書堂聚至四五百人已不

洪武中設內官監典簿掌文籍以通書算小內史為之又設尚寶監掌御寶圖書皆僅識字不明其義及永樂時始令聽選教官入內教習至是開書堂于內府改刑部主事劉珪為翰林修撰專授小內使書其後大學士陳山修撰朱祚俱專是職選內使年十歲上下者二三百人讀書其中後增至四五百人翰林

免重視其事且令大學士翰林等官專以授書為務尤紊職守而襲班聯若輩因此遂得與外僚日相習熟實開黃緣交結之漸宣宗于內使傳旨必令覆奏始行非不留心防制乃必欲其深通文墨甚至掌奏批硃悉假內豎之手實不解其何所取義

均薊州軍戶畜馬

官四人教習以為常于是內官始通文墨實實洪武掌章奏照閣票批硃與外庭交結往來矣
年更定內官諸監庫局品職內官監該令一人正六品丞二人從六品典籍一人正九品尚寶監凡用御寶則奏請然後付尚寶司官用之畢則捧入設令一人正七品丞一人從七品明史宦官傳太祖鑒前代失宦者不過百人末年頒祖訓乃定為十有二監及各司局稱備員十有二監曰神宮曰尚寶曰孝陵神宮曰尚膳曰尚衣曰司設曰內官曰司禮曰御馬曰印綬曰直殿曰都知劉紳濟寧洲人

初以薊州之東地廣草肥宜畜牧令永平衛軍人牧北馬一免他役後軍士調發既多畜者皆老幼殘疾之人一人有畜至二三十匹者兩載責納一駒人愈窮困馬亦耗巡按御史李驥奏請變通帝命兵部視

至正統初即有
司禮秉筆之事
貽害遂不可勝
言豈非立法之
不善耶

京師地生毛

長尺
餘

免山東夏稅

山東旱無麥
免今年夏稅
詔

詔中官傳旨必覆奏始行

時中官傳旨輒令徑行帝聞之即下法司治屢申諭
部科覆奏而內官內使之擅傳旨者終不能禁部科
亦不能
違也

罷湖廣採木

時湖廣發民運糧調軍征討遇旱災人皆艱食工部
勘合採杉松大材七萬株巡按御史劉鼎貫奏請罷
從從之尚書吳中請
罷其半帝命悉罷之

河南霖雨河溢

六月至七月雨黃汝二
河溢開封南陽河南

質實

汝水源出河南汝州天
息山東流過郟縣又東

南與滎水合沙河入之過襄城縣又東南過郟城縣
北又東南入汝寧府境逕汝陽上蔡又東南逕新蔡
東流入于淮河南漢郡唐府元
路明洪武初復為府今因之

八月漢王高煦反帝親征

高煦不過一凶暴無賴之人又習見成祖以篡得國遂萌逆志其情事究與燕兵有殊而宣宗亦非患帝柔弱可比高煦弟秉其新立逞心不軌不意宣宗之竟能決意親征故一聞六師壓境如震迅雷手足已無所措則其事半功倍固時勢使然若僅

高煦身長七尺餘輕矯善騎射自負其雄武潛蓄異志永樂中成祖嘗命同仁宗謁孝陵仁宗體肥重且足疾兩中使掖之行恒失足高煦從後言曰前人蹉跌後人知警時帝為皇太孫在後應聲曰更有後人知警也高煦回顧失色既徙封樂安並怨望仁宗崩帝自南京奔喪高煦謀伏兵邀于路倉卒不果帝即位賜高煦及趙王視他府特厚並自肆與其黨日夜造軍器籍丁壯為兵破獄出死囚厚養之集旁近無賴子弟及逋逃賜銀幣編隊甲奪府州縣官民畜馬立五軍四哨部署已定偽授指揮王斌知州朱恒長史錢巽千戶盛堅典仗侯海教授錢常等為太師尚書都督侍郎等官其餘各以差授職遣人約山東都指揮靳榮為助期先取濟南然後犯闕御史樂安李濬家居變姓名詣京白其事山東文武軍民真定等衛所告變者亦踵至高煦遣親信枚青入京約英國公張輔為內應輔立繫以聞帝遣中官侯泰賜高煦

命將出師恐成敗尚未可定且所遣之薛祿聞命色變甚至向廷臣垂泣其怛怯無能視建文時之李景隆相去有幾幸而宣宗英斷且楊榮等之力贊親征亦非齊黃輩所能及其功效固不可同日語也

書泰至高煦盛兵見泰曰靖難時非我出死力不得至是太宗輕聽讒言削我護衛使我樂安仁宗徒以金帛餌我今上舉口談祖制吾安能鬱鬱久居此乎因命泰觀其軍馬兵器曰以此橫行天下可也爾歸報爾主速執送奸臣然後議我所欲耳泰懼不敢言歸亦不以實對帝曰泰二心錦衣官從泰往者具陳其事帝怒已而高煦所遣百戶陳剛賁奏至多所指斥索誅奸臣以夏原吉為罪首帝遣陽武侯薛祿往討之夜召諸大臣入議原吉免冠謝死罪帝曰卿何為是言彼借卿為兵端耳休戚與卿共之命諸大臣坐屏左右密語楊榮首勸帝親征帝難之張輔曰願假臣兵二萬擒獻闕下不足煩至尊榮曰彼謂陛下新立必不自行故敢爾以天威臨之事無不濟臣請先驅原吉曰獨不見李景隆已事耶臣昨見所遣將命下即色變退語臣等泣臨事可知且兵貴神速卷甲趨之所謂先人有奪人之心也榮言是議遂決命

鄭王瞻峻襄王瞻塔居守薛祿等率兵二萬為先鋒
車駕發京師過楊村馬上顧從臣曰度高煦計安出
或對曰必先取濟南為巢穴或曰彼眾不肯離南京
今必引兵南下帝曰不然濟南雖近未易攻聞大軍
至亦不暇攻護衛軍家樂安肯棄之南走乎高煦外
強中怯敢反者輕朕年少新立眾心未附不能親征
耳他將來以甘言厚利誘之僥倖成事
今朕來已瞻落敢出戰乎至即擒矣
質實
揮王試
將前軍韋達左軍千戶盛堅右軍知州朱恒後軍諸
子各監一軍高煦自將中軍四哨指揮韋宏韋興千
戶王王李智領之真定衛在真定府治東南明洪武
三年建今裁楊村在武清縣東南五十里朱恒應天
人李濬由太學生官監察御史時
丁父憂家居至是擢左僉都御史

帝至樂安高煦降遂班師

高煦初約靳榮取濟南山東布按二司覺之防榮不
得發既聞薛祿將喜曰易與耳及聞帝親征始懼朱
恒力言宜引精兵取南京大事成矣衆不從曰爾願
赴家柰我輩何其黨有自拔來歸者帝厚賞之令還
諭其衆復遣高煦書曰張敖失國本之貴高淮南受
誅成于伍被今六師壓境王即出倡謀者朕與王除
過恩禮如初不然一戰成擒或縛王來獻朕雖欲保
全不可得矣前鋒至樂安高煦約詰朝出戰帝聞令
大軍蓐食兼行駐蹕樂安城北諸將壁其四門王斌
等乘城舉礮大軍發神機銃擊之聲如雷震諸將請
即攻城帝不許復再敕諭高煦又以勅矢射城中諭
逆黨禍福城中多欲執高煦獻者高煦大懼密遣人
請降願假今夕訣妻子明日出歸罪帝許之其夜高
煦焚兵器及通逆文書火通夕不息昧爽帝移蹕城
南高煦將出城王斌固止之曰寧一戰死無為人所
擒高煦始弒等復入宮潛從間道出為官軍所執羣

臣請正典刑帝不允以劾章示之高煦頓首言臣罪萬萬死惟陛下命帝令高煦為書召諸子同歸京師餘黨悉就擒赦城中罪脇從者不問命薛祿及兵部尚書張本鎮撫樂安改曰武定州遂班師

九月帝還京師遣使諭趙王高燧

趙王如果與高煦同惡即當聲罪加誅若其未與逆謀豈可因樂安之

師還次單橋陳山迎謁請乘勝襲彰德執趙王楊榮以帝意令楊士奇草勅士奇曰太宗皇帝惟三子今上惟兩叔父有罪者不可赦無罪者宜厚待之疑則嚴防之使無虞而已何遽加兵傷皇祖在天意乎時惟楊溥與士奇合請皆入以死諍二人入閣者不納帝召蹇義義以士奇言白帝移兵事遂罷至京師高煦亦言嘗遣人與趙通謀帝語士奇曰議者喋喋多言趙王事奈何士奇曰趙王與陛下最親陛下當保全之無惑羣言帝曰吾亦思之今欲封羣臣章示王令王自處何如士奇曰得一璽書更善帝從之明年

事逞臆猜疑以
傷親誼建文削
藩釀禍前鑒非
還况高煦既已
就擒有何羽翼
堪虞必須剪伐
乎陳山軌倡議
移師間害骨肉
其庸妄無異齊
黃而貪邪更不
可問韋而宣宗
從楊士奇之說
曲予保全否則
無故相殘不幾
復效建文之滋
議耶

廢高煦為庶人

遣駙馬都尉廣平侯袁容等奉書及羣臣所上章至
趙趙王大喜已泣曰吾生矣即上表謝且獻常山中
護衛及羣牧所儀衛
司官校言者頗息
祖女永
安公主
質實
單橋即單家橋在河間府
獻縣南袁容壽州人尚成

築室西安門內謂之逍遙城并其諸子錮之王斌朱
恒等皆伏誅長史李默以嘗諫免死謫口北為民天
津山東諸都督指揮以預謀誅死者六百四十餘人
戊邊者千五百餘人帝親製東征記備書其事後數
年寧王權上書請赦高煦不從一日帝往視之高煦
伸足勾帝仆于地帝命舁銅缸覆之缸重三百觔高
煦項負之輒動乃命積炭于其上然
質實
之逾時火熾銅鎔高煦死諸子亦死
質實
錄西安門

明制皇城外門凡六曰大明門曰長安左門曰長安右門曰東安門曰西安門曰北安門俗呼厚載門仍元舊也天津宋金為清滄二州地元因之明永樂初置天津左右二衛為河間府地本朝雍正三年改直隸州九年升府

冬十月釋李時勉于獄復以為翰林侍讀

李時勉以直言下獄本屬仁宗過舉宣宗諒未嘗所言何事豈容不加詳察遽令絀付市曹則其凌以威諒聞中不宜近妃嬪皇太子不宜遠左右帝聞言色稍霽徐數至六事止帝令盡陳之對曰臣惶懼不能

故為曲折以顯其寬宥直臣之美但其獲罪所由究非先朝盛德而必使之于大廷歷數始為歎息稱忠將欲形已之長竟不復為仁宗少留餘地于心果何以自安且宣宗後此于陳祚請講大學衍義籍沒逮繫郭循極諫上作裏襖怒射其矢視金瓜

悉記帝意並解曰是第難言耳草安在對曰焚之矣帝乃太息稱時勉忠立赦之復其官比指揮詣獄還則時勉已襲冠質實瑞東西旁門無史入瑞門內為六科東曰闕左門西曰闕右門按闕左右門即瑞東西旁門也

大雷電雨

是月已卯夜也

十一月王通兵至交趾遇賊于應平敗績參贊尚書陳洽死之

先是陳智遣都指揮袁亮擊黎利弟善於廣威州亮遣指揮陶森錢輔等渡河中伏並死亮被執善遂分

挫擊殆無以異
又何前後之自
相矛盾耶

兵三道攻交州府一攻下關都督陳濬擊却之攻邊
江小門者為李安所敗善夜走叅將馬瑛破賊清威
至石室會通兵至遂與之合進次應平之寧橋諸將
言地險惡恐有伏宜且駐師覘賊通不聽麾兵徑渡
人馬行泥淖中不能成列伏四起軍大潰死者二三
萬人通中脇走尚書陳洽躍馬入賊陣創甚墜馬左
右欲扶還洽張目叱曰吾為國大臣食祿四十年報
國在今日揮刀殺賊數人自剄死黎利在清化州聞
之自將精卒鼓行至清潭進圍東關通本無將畧以
父真死事封朝廷不知其庸劣誤用之一戰而敗心
膽皆喪陰遣人許為利乞封不奉朝命擅割清化以
南地畧賊令官吏軍民盡還東關檄至清化知州羅
通不從與指揮打忠櫻城拒守利移兵攻之不下賊
萬餘人攻隘留關百戶黃彪等遇害百戶萬琮登城
大呼出南門擊走之明年春利犯交州通出兵擊之
賊大敗斬其偽官以下萬餘級利惶懼欲走諸將請

乘勝急擊通猶豫數日賊得樹柵掘濠塹四出攻掠遂分兵陷昌江都指揮李任前後三十戰力竭自劉死復攻邱溫都指揮孫聚力拒之邱溫去廣西憑祥止二宿總兵官顧興祖擁兵不救城遂陷指揮使徐麒千戶蔡質寧橋臨沙河昌江城在故諒山府北顯死之

州屬廣西太平府羅通字學古吉水人官御史以言事出為清化州知州通許利請封檄清化以南歸黎氏羅通曰非君命而欲賣城義不可連戰賊走之初都督蔡福守又安被圍福不戰率都指揮朱廣薛聚于瓚指揮魯貴千戶李忠降賊至是福馳馬清化城下大呼守城者宜見幾全首領羅通大罵乃去李任金華永康人利以賊八萬餘攻昌江城任與指揮顧福等竭力拒賊皆自到死中官馮智大哭誓不從賊與指揮劉順諒江知府劉子輔及其一子一妾俱死城中軍校及男女同死者數千人賊縱火焚燒劫掠

一空子輔廬陵人徐麒桂林中衛指揮使蔡顯南寧千戶邱溫被圍麒顯率疲卒固守城陷皆死無一降者

諭御史勿窮治高煦餘黨

左都御史劉觀等言高煦之黨同謀者皆伏法其馮衛軍丁居他州者尚多當罪之帝曰凡先調衛及商販在外者皆不預逆

質實

劉觀雄縣人

謀其釋之不必窮治

十二月免六師所過秋糧

錄囚

命行在刑部都察院錦衣衛三日內悉上所鞠獄囚罪狀帝親覽決真犯死罪依律連坐以下免死謫戍

追贓流徙以下運甄贖罪及罰鈔釋免有差凡宥免三千餘人

遣安遠侯柳升征黎利黔國公沐晟自雲南引兵會之

帝間王通敗大駭乃命升充總兵官保定伯梁銘副之都督崔聚為右參將尚書李慶參贊軍務帥師由廣西赴討又命沐晟及興安伯徐亨新寧伯譚忠從雲南進兵敕通固守以俟又以黃福仍兼交趾布按二司事與質實梁銘汝陽人崔聚懷遠人李慶字升等同行質實德孚順義人徐亨興安伯祥之孫

丁未二年春正月申明屯田法

帝命戶部申明屯田之法謂侍臣曰海內無事軍士量留守備餘悉屯種所收足以給衣食則國家可省養兵之費然朕以為立法固善尤在任用得人其令兵部移文所司選老成軍官提督屯田仍命風憲官

金史紀事本末
卷八
以時
巡察

南京地震

是年凡十
有一震

二月以戶部左侍郎陳山為尚書兼謹身殿大學士直

文淵閣

先是山與張瑛俱侍帝講讀
瑛既為大學士山亦有是命

夏四月晉王濟煢有罪廢為庶人

初濟煢既構陷濟熺幽其父子空室中蔬食不給恭
王宮中老嫗走訴成祖乃即獄中召晉府故承奉左

微問之盡得濟熿構濟熿狀立命微馳台濟熿父子
濟熿幽已十年左微者故因濟熿牽連繫獄或傳微
死已久及至一府大驚微入空室釋濟熿父子相持
大慟時成祖北征謁行在所帝見濟熿病惻然封美
圭平陽王使奉父居平陽界以恭王故田會帝崩濟
熿斬不與仁宗連以書諭卒不聽又聞朝廷賜濟熿
王者冠服及他養子並恩望成祖仁宗之崩不為服
使寺人代臨幕中廣致妖巫為詛咒不輟帝即位濟
熿密遣人結高煦謀不軌寧化王濟煥告變比擒高
煦又得濟熿交通書帝未之問而濟熿所遣使高煦
人懼罪走京師自首內使劉信等告濟熿擅取屯糧
欲應高煦并發宮中詛咒事濟煥亦始知謫母被戕
馳奏帝遣人察之皆實乃免為庶人**質實**恭王故田
幽之鳳陽同謀官屬及諸巫皆論死**質實**在連伯灘
成祖與美圭濟熿久不與仁宗論之不從美圭言連
伯灘地隸平陽不隸太原仁宗遣人視灘果隸平陽

又書諭濟
煢卒不與

王通許黎利和介其使上表

利圍交州久通閉城不敢出利益易之致書請和上表謝罪通欲許之集衆議按察使楊時習曰奉命討賊與之和而擅退師何以逃罪通怒厲聲叱之衆莫敢言遂遣人偕利使至京進表及方物

五月薛祿督餉開平

命陽武侯薛祿佩鎮朔大將軍印充總兵官率師防護糧餉赴開平時開平備禦都指揮唐銘等屢奏寇出沒邊境故也銘等又云孤城荒遠薪芻並難猝遇寇至別無應援請添官軍神銃守備下其事於英國公張輔及羣臣議皆以為添官軍愈難餽給宜准陽武侯薛祿初奏於獨石築城立開平衛以開平備禦

官軍家屬移于新城且耕且守而以開平及所調他
衛官軍選其精壯分作二班每班一千餘人更代于
開平舊城備哨新城守禦官軍不足者暫于宣府及
附近衛分酌量添撥候發罪囚充軍代還仍敕薛祿
于防護糧餉之餘相宜區畫築城安質實獨石在赤
恤畢事而歸帝命俟秋成後為之
宣德五年自故開平城移置開平衛于此景泰三年
設上北路叅將本朝康熙三十二年併衛入赤城
縣仍設叅將駐防曰獨石路雍正十三年設副將十
二年增
設同知

秋七月松潘番叛遣都督同知陳懷等討之

松潘衛當發軍戍交趾將士憚行千戶錢宏與衆謀
詭言番叛冀免調都司果罷其役而發軍討番宏潛

至番寨脅以大軍將致討逼取牛馬財物番本不反忽聞大軍且至衆遂驚走約生番為亂殺指揮陳傑衆至五萬人合攻松潘城焚上下四關及諸屯堡又圍威茂壘溪諸衛所官軍屢戰皆敗帝以懷克總兵官與指揮蔣貴合兵討之而臬宏于松潘以徇明年正月官軍連敗賊復壘溪招撫諸番三十餘寨松潘平命懷質實壘溪在松潘衛南二百三十里唐翼州鎮其地質實宋元皆為羗據洪武時平西羗以古翼州置壘溪千戶所今壘溪營屬松潘鎮陳懷合肥人蔣貴字大富江都人

發明

時松潘番固未反也錢宏冀免征調乃詭言番叛且勒索激變致生番果反撓敗官軍于

是令陳懷等合討而臬宏以徇宏之滋事一方誅戮固由自取而其時都司誤聽宏言發軍致討尤不得為無罪夫以千戶狡黠自私之詞為將備者果察其情偽不肯遽爾興兵雖有宏之逼脅番衆

尚不至挺而為亂然則斯役也都司實為禍階而懷貴等竟置不問豈非漏網哉

薛祿敗敵于開平

時韃靼數為邊患祿至開平寇先已逼城下無所得而退祿遂率精兵往襲之晝伏夜行踰三夕望見敵營縱輕騎徑薄之殺數十人生擒鎮撫百戶等十二人獲其男婦六十四人馬八百餘匹牛羊四千餘頭既還衆囑其後祿縱兵奮擊又大敗之遂遠遁

令官吏軍民入米贖罪

金作贖刑古人欽恤之義苟情有可矜而罪非不赦許其納米弛罪亦未嘗不可顧宜聽人之

自死罪至笞四十分十等納米百石至二石有差納者贓罪得不死徒流以下皆復用不能納者雖笞杖久繫不釋往往至死御史張質實陵人純言貧人罪輕者始免追繫

自贖豈可不問
其願與否而強
人使從令無力
者轉受無窮之
累則是為利起
見而非為仁行
權矣

命都督僉事山雲鎮廣西

柳慶蠻韋萬黃等糾合猺獠為亂鎮遠侯顧興祖以
不救交趾被逮公侯大臣舉雲廉勇有智畧命雲佩
征蠻將軍印充總兵官率官軍討之時賊方劫掠臨
桂諸縣聚眾保山巔山峻險挂木于藤壘石其上官
軍至輒斷藤下木石無敢近者雲夜半束火牛羊角
以金鼓驅向賊賊謂官軍至亟斷藤比明木石且盡
眾譟而登斬首萬餘級賊降雲乃築四城九堡傳舍
九十餘區以鎮要害初土官饋獻帥率受之然卒為
所持雲聞府吏鄭牢剛直台問曰饋可受乎牢曰潔
衣被體一污不可復湔將軍新潔衣也寧可污乎雲
曰彼且疑奈何牢曰黷貨法當死將軍不畏天子法
乃畏土夷耶雲曰善盡却之由是土官畏服調發無
敢後者雲所至撫善良
察誣枉土人皆愛之
質實

柳州元路明為柳州府

慶遠百粵地宋置慶遠府元路明為府臨桂縣唐
置明為桂林府治今皆因之山雲徐州人鄭牢帥府
老吏嘗逮事韓觀觀醉輒殺人牢輒留之
醒乃以白性剛直為士大夫所重以吏終

發明

山雲鎮廣西凡柳潯平樂桂林宜山思恩諸
蠻先後討平獠獠屏跡其功亦卓卓矣方其

議代興祖時衆薦為廉勇有智畧則土官饋獻之
陋習豈有不立斥其非者乃猶待取決于府吏而
始却而不受哉或當時嫉雲者欲污其潔白之操
故曲為傳聞之說以形其所守未堅見利而心動
耳乃史家轉稱道之
其亦未之加察矣

八月黃淮罷

帝親征樂安命淮居守至是
以疾乞休許之賜錢萬貫

免兩京山西河南州縣被災稅糧

九月柳升進軍倒馬坡遇伏死諸軍盡歿

升奉命久俟諸軍集至是始抵隘留關黎利與王通
已有成言乃詭稱陳氏有後率大小頭目具書詣升
軍乞罷兵立陳氏裔升不啓封遣使奏聞趣進兵連
破關隘數十直抵鎮夷關升以賊屢敗易之郎中史
安主事陳鏞恐賊示弱以誘官軍亟言于李慶曰柳
將軍辭色皆驕驕者兵家所忌防賊設伏宜力言之
時慶及梁銘皆病甚強起告升都事潘禋亦勸升持
重廣傾探引寧橋事為戒升不為意進薄倒馬坡與
百餘騎先馳度橋橋遽壞後隊不得進升陷泥淖中
伏發升中鏢死從者皆歿其夕銘病卒明日慶亦卒
崔聚整軍至昌江遇賊殊死鬪賊驅衆大至陣亂聚
為賊所獲誘之降不屈遂被殺官軍或走或死無一

人降者安鏞裡及主事李宗昉皆死時黃福再撫交趾比至升已敗奔還至鎮夷關為守者所執欲自殺守關者力阻之曰公我父母也公不歸我曹豈敢至此黎利聞饋白金餼糧以負與送出境福至龍州盡以賊所遺質實黎利等書畧曰太宗皇帝興師弔伐歸之官 質實 詔求陳氏子孫以繼陳祀是時陳族罹季葦之毒奔竄遠徙無從訪求今陳氏遺嗣有焉者竄身老越二十年本國人民不忘陳氏先王之澤已求罵于羈次欲得罵繼宗祀倘蒙天恩循太宗皇帝繼絕明詔使陳氏滅而復續實一國之人戴天恩於無窮也倒馬坡在鷄陵關南鎮夷關即鷄陵關史安字志靜豐城人陳鏞字叔振錢塘人潘裡郭人官後軍都事李宗昉里系無考

冬十月王通棄交趾與黎利盟而還

通聞柳升敗殁益懼更啗利和教利立陳暲為陳氏
後說言實先陳王暉三世孫今訪得之交人欲奉以
為後軌立壇集軍民官吏與利盟誓退師因宴利遺
利錦綺利以重寶賂通為馳上表即引兵還汴晟領
軍至水尾聞已議和遂
引退賊乘之晟大敗

十一月詔赦黎利罷交趾兵悉召文武吏士北還

鴻臚寺進黎利與柳升書王通使以利所奉陳暲表
亦至詞畧相同帝覽之心知其詐然欲藉此息兵乃
以表示廷臣命集議張輔曰此詐也請並發兵討之
臣期一年以擒賊襄義夏原吉亦以為不可許而楊
士奇楊榮知帝厭兵且前有欲棄交趾語因力言許
利便帝意遂決廷臣不敢復爭于是遣禮部左侍郎
李琦工部右侍郎羅汝敬等齎詔交趾赦除其罪
并諭利興滅繼絕意令具陳氏後人之實以聞勅召

王通馬瑛及三司衛所府州縣官吏盡撤軍民北還
詔未至王通已由陸路還廣西陳智及中官馬騏山
壽由水路還欽州官吏軍民得還者八萬
六千餘人為賊所獲及拘留者不可勝計
質實奉陳
曷表畧曰安南國先臣陳日炷三世嫡孫臣陳曷煌
恐頓首上言曷被賊臣黎季犛父子篡國殺戮臣族
殆盡臣曷奔竄老嫗以延殘息今二十年國人聞臣
尚存逼臣還國欲臣陳情請命臣仰恃天北生成大
恩謹奉表上請欽州隋置明初為欽州府
後改州屬廉州府今因之李琦元氏人

皇子生赦

帝年三十胡皇后未有子又善病而孫貴妃有寵乃
陰取宮人子為己子帝以長子生大喜寵貴妃有加
詔大赦天下免一質實孫貴妃鄒平人幼育宮中有
年稅糧三分之一
質實美色永城縣主簿孫忠之女

帝即位立為貴妃故事皇后金寶金冊貴妃以下有冊無寶宣德元年五月帝請于太后製金寶賜焉貴妃有寶自此始

十二月振陝西饑

帝語戶部尚書夏原吉曰昨聞關中旱饑已命有司發廩又命卿出京庫布帛往振之此皆朝政闕失所致因作詩志愧卿亦當與朕同憂也

戊申三年春二月立子祁鎮為皇太子

皇子生八日羣臣即上表請立為太子皇后亦屢表請早定國本貴妃佯驚曰后病瘥自有子吾子敢先后子耶帝不允貴妃子遂立

立儲非善全之道向已屢論及之若由于臣下申請尤易滋流弊況其未離襁褓者乎乃宣宗

皇子生甫八日而羣臣請立太子之疏已紛紛競陳有何迫不及待竟至于此徒知拘古慕名而不審事體真不足當一嘆而況其事出揣摩迎合耶

作帝訓成

御製帝訓凡二十五篇曰君德奉天法祖正宗睦親仁民經國勤政恭儉儆戒用賢知人去邪防微求言祭祀重農興學賞罰黜陟恤刑文治武備馭夷藥餌以教子孫修身齊家治國平天下之道大要備具帝自為之序復題其後以致意焉

三月廢皇后胡氏立貴妃孫氏為皇后

太子既立帝以春秋毋以子貴將廢后而立貴妃白諸大臣言之楊士奇以為不可帝乃獨召士奇至武英殿密諭之士奇曰皇后今有疾惟以疾辭位遷居別宮則進退有禮帝諭之乃令后上表辭位退居長安宮賜號靜慈仙師而冊貴妃為皇后胡后既廢張太后常召居清寧宮內廷朝宴命居孫后上孫后常

快快至正七年十月太后崩后痛哭不已踰年亦崩
用嬪御禮葬金山天順七年七月追謚恭讓皇后修
陵寢不質實金山在順天府宛平縣西
祔廟北二十里其南曰甕山

阿魯台入貢

遣使臣四百六十人
來朝貢馬及方物

宴大臣于西苑

帝命塞義夏原吉楊士奇楊榮等十有八人從遊萬
歲山復賜登御舟泛太液池帝指御舟曰治天下猶
此舟矣利涉大川卿等之力也是時帝方勵精求治
諸大臣亦同心輔政海內漸臻治平帝乃敕古君臣
豫遊事每歲首百官旬休選勝宴樂帝亦時遊西苑
諸學士皆從問民間疾苦賦詩廣唱朝野稱盛事云

云
質實

明彭時賜遊西苑記西苑在宮垣西中有太液池周十餘里池中駕虹梁以通往來橋東

為圓臺臺上為圓殿殿前有古松其北即萬歲山上
有殿亭六七所最高處廣寒殿也池西南又有一山
最高處為鏡殿乃金元時所作其西南曰南臺則宣
帝常幸處也按西苑在今西華門之西入苑門即太
液池南北亘四里東西二百餘步其上源自玉泉山
合西北諸水至北安門水門流入滙為太池元時亦
名西華潭夾岸多槐柳池中蒲藻紛敷禽魚翔泳望
如仙洲勝境池上跨長橋坊楔對峙東玉簫西金鼇
橋北稱北海橋南稱中海瀛臺以南稱南海其中海
之東岸有蕉園舊址稍南為萬善殿殿西有亭為太
液秋風即燕京八景之一又按萬歲山金名瓊華島
元中統三年修之至元八年名萬歲山其山皆疊玲
瓏石為之明宣宗廣寒殿記萬歲山石即宋之艮嶽
也金徙于此今為白塔山又按明廣寒殿鏡殿今皆

無其南臺即今瀛臺舊一名趯臺在太液池中由西苑門入度板橋有門曰德昌中建殿五楹殿之南石堤數十步過堤歷級而登為翔鸞閣涵元殿香宸殿迎薰亭而統名之曰瀛臺臺二面臨水奇石森列花樹芬鬱天然林壑之致

夏四月詔自今官民建言尚書都御史給事中會議以聞

帝曰致治之道莫先于廣言路天下之大吏治得失民生休戚人不言朝廷何由悉知古人謂明主視天下猶一堂滿堂飲酒一人對隅而泣則一座不樂若令天下有匹夫匹婦不得其所實為君德之累凡有建言民瘼者卿等勿諱

閏月免山西旱災租遣使撫輯流民

山西布政司言平陽府屬八州三十三縣旱詔免其租仍振恤之工部郎中李新自河南還言山西饑民流徙南陽諸郡不下十餘萬官司遣人捕逐民愈窮困死亡日多帝即命遣官撫輯發廩振之

王通陳智等及布政使弋謙內官馬騏山壽俱以棄交趾罪下獄論死

通等至京文武諸臣廷鞠俱論死下獄籍其家時議以通棄地擅和騏恣虐激變罪尤重然帝皆不誅長繫待決而已顧興祖先被逮亦下獄廷臣劾米晟徐亨譚忠等逗遛不進違命喪師罪帝不問初交趾右布政戚繼以貪淫黜命謹往代通棄交趾謹非其罪亦論死

發明

王通等與賊議和擅棄交趾山壽庇護叛寇

誅沐晟及徐亨譚志等總兵助勦其始不救柳升
陷又不進援引兵退回致賊勢猖獗亦復置之不
問蓋宣宗早定棄珠崖之見故遂不行子玉之誅
耳而史獨謂弋謫論死非罪謫官布政守土是其
專責乃竟聽其議和棄地無一言救正視彼通
智騏壽輩或可量從末減然又烏得云無罪哉

五月復遣羅汝敬等諭黎利立陳氏後

李琦還自交趾利遣使奉表謝恩詭言暹于正月物
故陳氏子孫絕國人推利守其國謹俟朝命帝亦知
其詐不欲遽封復遣汝敬等諭利及其下
令訪陳氏後并盡還官吏人民及其眷屬

贈恤交趾死事諸臣

先是交趾布政使弋謙以都指揮同知李任等死節
事聞帝惻然曰大丈夫為國固當殺身成仁舍生取
義任等可謂無愧矣至是贈李任為都督同知燕山
前衛指揮使顧福昌江衛指揮使劉順廣西桂林中
衛指揮使徐騏俱為都指揮同知交趾前衛指揮僉
事周安為指揮同知南寧衛正千戶蔡顥為指揮僉
事燕山左衛副千戶桂勝為正千戶諒江府知府劉
子輔諒山府知府易先俱為左布政司叅政政平州
知州何忠為府同知內官馮智為內官監太監名任
等子孫承襲惟指揮陳麟嘗與朱廣開門納賊死不
掩過恩質實何忠字廷臣江陵人與桂勝俱被拘罵
不及
死周安守入安臨賊與陳麟奪賊刀殺
數人皆自刎死所部九千餘人悉被殺

免北京被災夏稅

真定順德廣平所屬州縣奏自去年十月
至今年夏不雨麥無收帝命免徵夏稅

免汝南王有燭新安王有燔為庶人

初汝南王有燭新安王有燔祥符王有燔皆周王有
燬弟有燭數許有燬帝既書諭之有燭又與有燔詐
為有燔與趙王高燧書內外皆有祥符王印識繫箭
上置彰德城外詞甚悖都指揮王友得書以聞帝速
友訊無迹召有燔至曰必有燬所為訊之具服有燬
少與高煦善建文中嘗誣定王反成祖即位後定王
請誅之成祖不忍徙之大理定王老始歸有燔喜食
人肝腦薄暮伺人于門掠而殺之其邸前日未晡行
跡為斷至是質實有燬有燔皆周定王櫛子
并免為庶人

蔡福等六人伏誅

朝官自有常祿
即或薪芻僕馬
所費較多又豈
可取給隸人致
損清節乃當時

福為都督與都指揮朱廣薛聚于瓚指揮魯貴千戶
李忠守入安為賊所圍福不與戰而率廣等降賊且
教賊造攻具以攻東關時有官軍九千餘人欲焚賊
營福告賊賊盡殺九千餘人遂攻昌江等城福厯說
各城人出降至昌江清化為李任羅通罵而去黎
利送福等歸京師鞠之伏罪命皆棄市籍其家

六月免陝西被災夏稅

自正月至五月不雨命勘
實除稅是月又振山西饑

秋七月以顧佐為右都御史

帝召楊士奇楊榮諭曰祖宗時朝臣謹飭年來貪濁
成風何也士奇曰永樂末已有之今為甚耳榮曰永
樂末無踰方賓帝問今日誰最甚者榮對曰劉觀問
誰可代者士奇榮薦通政使顧佐右都御史為京尹

相沿成俗雖以顧佐之庶公有素亦不免為積習所移實非大臣潔清自矢之義宣宗既知其失又因楊士奇之言而愆惡由來即當別定章程以剔除積弊顧惟付之浩歎姑息因仍明知而不為之禁則傷廉累下之風伊于胡底尚成何政體乎

政清弊革帝乃出觀巡視河道擢佐右都御史賜敕獎勉命察諸御史不稱職者黜之佐視事即奏御史不法及老疾者三十二人朝綱肅然于是御史交章劾觀並其子輻諸賊污不法事遂逮觀父子下獄將置重典特貸其死乃謫輻戍遼東而命觀偕往佐性嚴毅每旦趨朝小憩外廬立雙籐戶側百僚過者皆旋折避之入內直廬獨處小夾室非議政不與諸司羣坐人稱為顧獨坐云都察院吏許佐受隸金私遣隸歸帝密示士奇曰爾不當舉佐廉乎對曰有之朝官俸薄僕馬薪芻資之隸不得不遣半歸使出資免後官得資費隸得歸耕永樂以來朝臣皆然即臣亦然帝歎曰朝臣貧乃如此因怒訴者曰朕方用佐小人輒敢誣之必下法司治士奇對曰細事不足干上怒帝乃以吏狀付佐曰汝自治之佐召吏吏恐甚佐曰上命我治汝汝改行吾當質實顧佐字禮貸汝帝聞謂佐得大體益喜質實卿太康人

八月皇子祁鈺生

宣宗次子賢妃吳氏生

罷北京行後軍都督府及行部

初仁宗將還都南京設行後軍都督府及行部凡五府六部文移申達必經行府行部多重複稽誤至是帝命公侯伯尚書都御史翰林學士議于是張輔蹇義等言北京既有府部行府行部宜罷從之其諸司行在字至正統六年始去

帝自將巡邊敗烏梁海濟勒默特之衆于寬河

帝次石門驛聞烏梁海濟勒默特萬餘人已入塞乃留大軍於遵化而自率精騎三千人人二騎持十日

糧出喜峰口遇敵於寬河帝親射其前峰墮三人分
鐵騎為兩翼夾擊之飛矢如雨神機礮並發烏梁海
人馬死者過半帝親率百餘騎追奔其衆望見黃龍
旂悉下馬羅拜請降遂生縛之斬其驍渠命諸將搜
山谷獲軍器馬
駝不可勝計
質實寬河在今喀爾沁左翼南源出
寧遠州東石門驛
在遵化州西有鎮

九月帝還京師

帝親製詩歌勞將士
至京師謁告於廟

冬十月命中官郭敬鎮守大同

武安侯鄭亨久鎮大同治軍嚴肅撫士卒有恩常云
大同我國家後門我死後來者何人幸勿壞我家事

也當時凡中官鎮邊者總兵官往往畏之敬至大同亨與議事無所撓亨卒敬始縱恣

發明

明代以宦官監軍分鎮實自永樂始王安涖譚青營馬靖鎮甘肅馬騏鎮交趾至則擅用

威福生事激變有滋觴之勢矣宣宗於閹豎尤加親信巡邊之使出邊將皆為所脅制鄭亨鎮大同最久治軍嚴肅即敬至亦無所撓然則中官之滋擾邊庭者固由朝廷之偏任奸璫之弄權亦由為將者不能秉正持公整軍飭武致若輩無所忌憚得乘間而撓敗之此監軍誠為弊政而總兵又何可無畧哉

十一月錦衣指揮鍾法保請探珠廣東下獄

帝曰此小人欲生事擾民質實按明實錄錦衣指揮以圖已利也即收繫於獄鍾法保言廣州有珠

池產大珠請同內官往采時宣宗斥之下獄以其請采珠恐擾民也大政記作采珠砂誤今以明實錄為

正鍾法保廣
州東莞縣人

十二月廣西總兵官山雲討擒忻城蠻

忻城蠻譚團作亂雲討擒之斬首千五百餘級歸所掠軍民三百八十五人
質實 忻城縣
唐置明
屬慶遠府
今因之

巳酉四年春正月兩京地震

北京是年震者三
南京震者七

夏四月山雲討平柳潯蠻

雲討平柳尋諸蠻冬維容
蠻出掠遣指揮王綸破之
質實維容縣唐置屬柳州明屬柳州府今因之

命工部尚書黃福平江伯陳瑄經畧漕運

帝即位後命瑄守淮安督漕運至是瑄言濟寧以北水道淤塞計用十二萬人疏濬半月可成帝念瑄久勞命尚書黃福同經理大臣督漕自此始

五月勅授交趾人不從賊者職

工部右侍郎羅汝敬奏交趾廣源州人閔顏岑斗烈譚忠謹初以龍州地歸附授顏本貫知州斗烈判官忠謹吏目黎利叛三人義不從利咸歸龍州烈臨終屬其子元成曰受天朝官不可貳心從賊今顏已死乞憫其忠量與元成等職事而處之善地帝命元成仍為知州判官吏目職如舊俱於廣西布政司走倭

有司常
加撫恤

六月詔賊吏不得贖罪

御史王翱言官吏害民蠹政賊犯為甚今官吏罪無輕重運轉復職是貪黷者幸免廉潔者鮮勸非為治之道也請自今賊吏坐死但許贖罪不許復官從之未幾文職有贓罪納米者吏部請降一級用帝曰納米乃一時之權宜懲貪為立國之大質實王翱字九法自今文吏官吏犯贓者悉依律治

初設鈔關

洪武定制有商稅而無船稅至是戶部尚書郭資言鈔法不行由商居貨不稅請行納鈔例御史羅亨信李奇耿定相繼言之乃沿兩京水道設關收鈔於是置鄆縣濟寧徐州淮安揚州上新河濬縣九江金沙

州臨清北新諸鈔關量舟大小修廣而差其額謂之
船料不稅其貨惟臨清北新則兼收貨稅各差御史
及戶部主事監收質實鄆縣在通州南四十五里遼
鈔關之設自此始鄆陰縣元鄆州明鄆縣屬通
州今併入通州上新河在今江寧縣江東門外稍南
五里澣墅在長洲縣西北本名虎嚶唐諱虎錢氏諱
嚶改為澣墅金沙洲在江夏縣西南大江中北新在
仁和縣北武林門外十里羅亨信字用實東莞人

駕幸文淵閣與少傅楊士奇太子少傅楊榮論經史
咨政務悉召諸學士及史官諭之曰國史貴詳實卿
等宜盡心賜鈔有差以後數臨質實帝製詩在是年
幸置庖設饌并製詩賜士奇等質實十月再幸同侍
者士奇榮外有金幼孜楊溥曾榮
王直王英李時勉錢習禮陳倫等

九月赦免南北監生

南北京國子監生年五十以上學無成效及老疾者二百五十三人令還鄉為民

令天下學校生員兼習書算

北京國子監助教王仙言學校教養人材固當講習經史至於書數之學亦當用心近年生員止記誦文字以備科貢其於字學算法畧不曉習乞令天下學校生員兼習書算從提調正官按察司巡按御史考試庶幾生徒才可致用從之

發明

明太祖洪武三年京師及行省開鄉試三場中式後書算曾與騎射律並試然亦祇場後

及之非取士之正則也二十五年又曾令儒學生員兼習書算然不久即罷良以通經致用為重習

書習算祇為游藝小道耳宣宗聽王仙言令天下
下生員兼習書算而又重以考校令之所在趨如
流水德成藝成漸致無分本
末豈造就人才之良法哉

冬十月帝製猗蘭操賜大臣

帝作猗蘭操示大臣曰孔子自衛反魯而操猗蘭傷
不遇也朕慮谷中之賢有不仕者輒擬斯篇夫以人
事君大臣之道也
卿等宜勉副朕懷
質實猗蘭操詞蘭生幽谷兮
曙曙嗟蘭之茂兮與衆草為伍
於乎賢人兮汝其予輔

張瑛陳山罷

瑛與山先後俱為大學士直文淵閣帝以舊恩除之
而瑛與山雖參機務無所建白帝浸厭薄之是月朔

帝御門遙見山超朝問楊士奇曰陳山何如人對曰
山寡學昧大體帝曰然往者趙王事幾為誤遂命山
輟機務專授小內使書瑛
亦出為南京禮部尚書

閱武近郊

台豐城侯李賢等命之曰朕以農務既畢閱武近
郊命卿等居守遇機密重務計議即行仍馳奏

實

李賢豐城侯彬
之子彬卒嗣侯

十一月陽武侯薛祿帥師巡邊

祿充總兵官恭順侯吳克忠副之都
督譚廣武安侯鄭亨各選士馬聽調
伯允誠之子允誠舊名巴圖特穆爾永樂三年來歸
因賜姓名克忠初名達蘭允誠卒成祖更其名曰克

忠世襲父爵洪熙元年進侯諱廣字仲宏丹徒人
巴圖特穆爾舊作把都帖木兒達蘭舊作答蘭今俱
改

庚戌

五年春正月少保兼太子少傅戶部尚書夏原吉卒

原吉與蹇義皆起家太祖時義秉銓政原吉筦度夫
皆二十七年時稱蹇夏名位先於三楊仁宣之世外
兼臺省內參館閣與三楊同心輔政義善謀榮善斷
而原吉與士奇尤持大體有古大臣風烈及是原吉
卒贈太師謚忠靖原吉有雅量嘗言處有事當如
無事處大事當如小事若先自張皇則此中無主何
能應事同列有善即采納之有小過必掩覆之呂震
嘗傾原吉震為子乞官原吉以震有守城功為之請
陳瑄初亦惡原吉願時時稱瑄才或問原吉量可學
乎曰吾幼時有犯未嘗不怒始恕於色中恕于心久

則無可忍矣嘗與同列飲他所夜歸值嘗過禁門有欲不下者原吉曰君子不以冥冥墮行其敬慎如此

二月罷工部採木

帝諭侍臣曰為國之道農事最急今國家無大營繕當東作時而工部採運木植未已豈不妨農事凡已採之木隨處堆積軍夫悉罷遣歸農

下詔寬卹

帝以春和將下詔寬卹先諭楊士奇欲蠲免災糧寬民間追償畜馬士奇對曰聖念及此真民生之幸但今當寬卹者尚不止此因請免積欠薪芻量減官田租額部符采買當按土宜法司理刑務敦平恕工匠在京者宜分戶丁之半還家帝悉嘉納命士奇即草敕行之

帝奉皇太后謁長陵獻陵

帝親橐駝騎導太后輦至清河橋下馬扶輦畿民夾道拜觀陵旁老穉皆山呼迎拜太后顧曰百姓戴君以能安之耳皇帝宜重念帝奉太后過農家召老婦問所業賜鈔幣有進蔬食酒漿者太后取嘗之以與帝曰此田家味也皇帝宜知之扈從臣張輔蹇義楊士奇楊榮金幼孜楊溥見太后于行殿太后慰勞之帝還見道中耕者取其耒三推顧侍臣曰朕三推已不勝勞况常事此乎賜之鈔凡所過農家皆賜之

質實

清河在宛平縣西北二十里上有廣濟橋永樂中建

夏四月薛祿帥師築赤城等處城堡

命祿帥師築赤城鵬鶚雲州獨石團山城堡敕大同宣府總兵官及府州各發兵夫赴役仍令以精騎防

故皆聽祿節制并賜之詩有出車命南仲城齊維山
甫句祿稽首受賜退問楊士奇南仲山甫何如士奇
具以告曰上以古賢人待爾也祿拊心曰質實赤城
祿武夫敢望前賢然上所命不敢不勉
元赤城站置水經注沽水逕赤城東即此本朝康熙
三十二年改置赤城縣屬宣化府團山堡在明故永
寧縣西北十五里今延慶州東

五月以郎中況鍾等九人為知府賜勅遣之

豪強不鋤則不
足以安良扶弱
與利除害惟真
循吏能為之至
于慈祥悽愴僅
可論其宅心而
果決剛明必當

帝以知府多循資格不稱職會雄劇地九郡缺守命
大臣舉京官庶能者用之乃擢鍾及郎中趙豫莫愚
羅以禮員外郎陳本深郎吳馬儀御史何文淵陳鼎
等皆賜勅俾馳騎之任其冬復用薛廣等二十九人
亦如之諸人俱有治績有居官至一二十年者更稱
其職民安其業一時烝烝稱盛而其間尤著聲者況

濟以莅事能吏
循吏雖有兩稱
究歸一轍也必
以豫為勝鍾豈
知治體哉

鍾趙豫鍾在蘇州務鋤豪強植良弱興利除害不遺
餘力奏免重賦七十餘萬石民有況太守民父母之
歌豫在松江一意拊循與民休息在職十五年尤以
愷悌稱及去老穉攀轅留一履以誌遺愛時論謂鍾
為能吏而豫質實況鍾字伯律靖安人初以吏而尚
為循吏云書呂震奇其才薦授儀制司主事
遷郎中趙豫字定素安肅人以兵部郎中知松江莫
惡臨桂人知常州請減宜興進茶數禁公差官凌虐
有司嚴核上官薦劾之實羅以禮桂陽人初知西安
尋移紹興建昌所至多惠愛凡二十七年乃致仕陳
本深字有源鄭人知吉安除豪強破賊盜為政舉大
綱不苛細邵昃知武昌性忠直為政公平治三載事
舉弊除馬儀知杭州有惠政民戴之邵昃馬儀史失
傳里系何文淵字巨川江西廣昌人知温州減陸田
稅革軍倉弊利興害絕政聲大振陳鼎新興人知建
昌懲桀驁驚民畏法更布教條施德意一時官校飲

四境
晏然

六月遷開平衛于獨石

洪武初李文忠克元上都設開平衛守之置八驛東接大寧古北口西接獨石永樂間大寧既棄開平勢孤至是遂徙開平衛于獨石棄地三質實八驛東曰百里盡失龍岡灤河之險遷備盆虛涼亭泥河賽峰黃崖四驛接大寧古北口西曰桓州威鹵明安隰寧四驛接獨石龍岡在故開平衛北一名卧龍山形勢雄險元上都北枕龍岡即此山也灤河源自口北開平東南流經遷安縣界至盧龍縣合灤河入南至樂亭縣入于海

發明

明初設衛開平與大寧古北口獨石相接為北邊之要鎮成祖初藉三衛以脅寧王迨事

成即以丁寧地全界三衛以償前勞不思大寧既棄開平之勢遂孤宣宗君臣又無深謀遠慮無端移鎮獨石以為聊固吾圉竟至盛國三百餘里夫祖宗之成業縱不能使開地有加而武廓之版圖忽然而自我侵削繼序其皇之謂何宣宗猶為明代令辟何計不及此而為此弗克負荷之舉耶

遣使捕畿內蝗

永平河間蝗諭戶部曰往年捕蝗之使害民不減于蝗宜知此弊因作捕蝗詩示之

秋八月己巳朔日有食之

陰雨不見禮部請表賀不許

命工部尚書黃福總理畿南山東河南淮北屯田尋罷

福上言永樂間雖營建北京南討交趾北征沙漠資用未嘗乏比國無大費而歲用僅給即不幸有水旱征調將何以濟請役操備營繕軍士十萬人於濟寧以北衛輝真定以東緣河屯種初年自食次年人收五石三年收倍之既省京食口糧六十萬石又省本衛月糧百二十萬石歲可得二百八十萬石帝善之下行在戶兵二部議郭資張本言緣河屯田實便請先以五萬頃為率發附近居民五萬人墾之但山東近年旱饑流徙初復衛率多力役宜先遣官行視田以俟開墾帝從之命吏部郎中趙新等經理屯田福總其事既而有言軍民各有常業若復分營田從益勞擾本等以聞事遂不行

九月更定在外罪囚贖罪例

除真犯外文職官吏犯贓者送京師如律處治軍職犯死罪者令納米贖罪畢日送京師調衛非贓罪則

不分輕重俱令納
米畢日送職役

以周忱為工部侍郎巡撫南畿

周忱巡撫南畿如興水利減浮糧設倉濟農一切實心措置善政頗多誠非苟且塗飾者所可及若其告訐不省一事則不得謂之無失蓋多事固虞其擾民而力健必宜于懲治况南人好

帝以天下財賦多不理而江南為甚思得才力重臣往釐之乃用大學士楊榮薦擢忱工部右侍郎巡撫江南諸府兼督稅糧許便宜行事忱至召父老問通稅故皆言豪戶不肯加耗並徵之細民民貧逃亡而稅額益缺忱乃創為平米法令出耗必均又請敕工部須鐵斛下諸縣準式草糧長之大入小出者舊例糧長正副三人皆科歛充之忱止設正副各一人民大便又於收糧設轄收總收法於運糧設撥運法運法以次就理時蘇州逋賦最多一郡積至八百萬石而賦額亦較他府獨重官民田租共二百七十七萬石而官田之租乃至二百六十二萬石民不能堪帝屢詔減之忱乃與知府况鍾曲算累月減至七十二

訟自昔已衆誠能處置一二以警其餘庶奸徒知所歛跡若一棄置之不問則小人益無所顧忌勢必聞風競起棄牘日滋于民又何利乎至忱繼胡縻之後寬猛相濟張弛因乎其時欲為簡易以便民未嘗不可但因人面許而以教旨為解則殊碍于

萬餘石他府以次減民因獲甦先是大理卿胡概為巡撫用法嚴忱一切治以簡易凡告許者輒不省或面許忱公不及胡公忱笑曰胡卿勅旨在此除民害朝廷命我但云安撫軍民委寄正不同耳忱與吏民相習若家人父子每行村落屏去騶從從農夫餉婦相對從容問疾苦為之商畧處置其馭下雖卑官冗吏悉開心訪納遇長吏有能者則推誠咨畫務盡其長故事無不舉嘗相視水利督濬崑山嘉定諸浦時以匹馬往來江上見者不知為巡撫也是時與忱同命者北畿山東曹宏湖廣吳政由員外郎江西趙新浙江趙倫由郎中河南山西于謙由御史皆擢陞侍郎為巡撫而忱與謙任最久政績亦最著
轄收總收忱本傳忱見諸縣收糧無團局糧長即家貯之曰此致通之由也遂令諸縣於水次置團團設糧頭團戶各一人名籍收至六七萬石以上始立糧長一人總之名總收民持帖赴團官為監納糧長但

理豈知除害安
民本非二事去
狼莠正所以植
嘉禾而保善良
亦豈得不鋤敗
類徒高言清淨
而務為姑息養
奸又安能盡撫
綏之實耶

奉期會而已撥運綱運忱置二簿撥運記支撥起運
之數預計所運京師通州諸倉耗以次定支綱運聽
其填註剝淺諸費歸以償之又支撥義餘存貯在倉
曰餘米次年餘多則加六徵又次年加五徵曲算漢
徐岳數術記遺了筭之法一位為一了字其了有三
曲其下股之末內主一外主九下次第一曲內主二
外主八當第二曲內主三外主七其第三曲內主四
外主六當了字之首則主五故首惟秉五腹背兩兼
濬嘉定崑山諸浦忱詣松江相視水利見嘉定上海
間沿江生茂草多淤塞乃濬其上流使崑山顧浦諸
積水迅流駛下壅遂盡滌崑山縣梁置元升州明洪
武二年降縣屬蘇州府今因之曹宏益陽人吳政釁
水人趙新字日新富陽人趙倫邠州人于謙字廷益
錢塘人宣德初授御史繼超遷兵部右侍郎巡撫河
西

帝巡近郊

乙卯巡近郊命李賢張本顧
佐等居守已未駕還京師

帝巡邊至洗馬林閱武而還

丙子帝發京師丙戌至洗馬林遍閱
城堡兵備召見諸將咸加賜勞乃還

十二月兩京地震

北京震者一
南京震者四

辛亥六年春正月罷湖廣採木

先是工部奏往湖廣採辦材木并發民運舊所採木
赴南京至是帝聞湖廣旱災軍民艱苦遂罷其役

大雨雷電

是月十有五
日庚辰也

二月工部侍郎羅汝敬督陝西屯田

寧夏甘肅膏腴地時為鎮守官及各衛豪橫官旗所
占俱不報官輸租其卑下瘠地則分與屯軍致屯糧
虧欠兵士饑困陝西叅政陳琰言乞
遣官行視帝命汝敬往同三司經理

三月命考察外官自布政按察二司始

時巡撫江西侍郎趙新奏今方面官雖出身不同皆
由資格陞擢有臨政畧無施設者有貪虐為非者名
與實異行與言違近吏部勘合令其考察郡縣官吏
已不能正焉能正人是以好惡不公去取多謬乞令

吏部先察布政司按察司賢否賢者留否者黜然後
可以責令考察帝是其言命自今考察外官必自二
始司

夏四月兵部侍郎柴車經理山西屯田

巡按御史張鼎言大同地雖寒平原曠野種粟麥有
收其地多為軍官占據民無地可種日以貧困請遣
官往視占多者分與軍
民便帝命車往視之
質實柴車字叔
輿錢塘人

六月命黎利權署安南國事

四年春暹羅汝敬等還利復言陳氏無遺種請別命因
貢方物及代身金人又言臣九歲女遭亂離散後知
馬騏驎歸充宮婢臣不勝兒女私冒昧以請帝心知
陳氏即有後利必不言然以封利無名復命李琦汝

敬齋勅諭再訪且以利女病死告之五年春琦等還利遣使貢金銀器方物復飾詞具奏斧具頭目耆老奏請令利攝國政帝復以訪陳氏裔還中國遺民二事諭之詞不甚堅至是利遣使謝罪以二事飾辭對復進頭目耆老奏仍為利乞封帝乃許之命禮部侍郎章敝右通政徐琦齋勅印命利權署安南國事利雖受敕命居國僭稱帝紀元順天建東西二都東都在交州府西都在清華府分十三道曰山南京北山西海陽安拜諒山太原明光諒化清華又安順化廣南各設承政司憲察司總兵使司置百官設學校以經義詩賦二科取士質實徐琦字良玉錢塘人寧夏衛籍其制度多擬中國云

秋七月召顏三衛市易

遣錦衣衛指揮齋勅諭三衛聽其來朝及往來市易但嚴飭部屬恪遵法度毋輒侵犯邊境

帝微行

微行至臣下私居惟宋太祖之于趙普曾一行之其意或在于陰行伺察然已不可為訓若宣宗果思士奇一言何難宣召入對而必以昏暮降臨乎迨後武宗踵為故事遂乃馳騁自如宣府大同盤遊不反皆宣宗貽謀之不善有以啓

漏下十二刻帝從四騎幸楊士奇宅士奇倉皇出迎頓首曰陛下柰何以宗廟社稷之身自輕帝曰朕思卿一言故來耳越數日帝遣內官問士奇微行有何不可對曰陛下尊居九重幽隱豈能遍洽萬一冤夫怨卒窺間竊發誠不可不慮後旬餘獲二盜如質實士奇言帝語士奇曰今而後知卿之愛朕也獲二盜盜嘗殺人官捕之急遂私結約候車駕之王泉山挾弓矢伏道旁林莽中作亂時有捕盜校尉亦變服如盜入盜羣中真盜不疑以其謀告之遂為所獲

冬十一月令官軍兌運民糧

北京初建水陸轉漕惟海運用官軍其餘皆用民運自開會通河後平江伯陳瑄改用官軍支運造淺船

之耳

轉漕之法明季屢更訖無良策蓋輸將雖間闕之職而飛輓則宜掌之于官若令里老承值富戶充當即使金無苛擾而常賦外已多一力役之征後雖改為夫運而尚令民運至中途及陳瑄等議行兌運似乎斟酌變通

三千餘艘時淮徐臨清德州各有倉江西湖廣浙江民運至淮安倉分遣官軍就近輓運自淮安至徐以浙直軍自徐至德以京衛軍自德至通以山東河南軍以次遞運歲凡四次可三百萬餘石名曰走運既而官軍多所調遣仍用民運道遠數愆期宣德四年瑄及尚書黃福董理漕事建議復夫運法乃令江西湖廣浙江民運二百五十萬石於淮安倉蘇松寧池蘆安廣德民運二百七十四萬石於徐州倉應天常鎮淮揚鳳太滁和徐民運二百二十萬石於臨清倉令官車接運至京至是瑄上言民運糧諸倉往返經年失候農業若令民兌與附近衛所官車運載至路給與路費耗米則軍民兩便是為兌運帝命羣臣會議吏部蹇義等上言官軍兌運民糧加耗則例以地遠近為差每石湖廣八斗江西浙江七斗江以南六斗江以北五斗民有運至淮安兌與軍運者止以四斗如有兌運不盡仍令民自運赴倉其不願兌者聽其

然不以收納責之有司交光歸之水次仍令軍民私相授受且允運與走運參行法不歸于畫一民間蓋無所適從強弱不均弊端百出非恤民之善政也

十二月中官表琦有罪伏誅

自便允運與走運參行軍既加耗又給輕齎銀為洪開盤撥之費且得附載他物皆樂從而民亦多以遠運為艱由是允運者多而走運者少矣

質實

洪開謂徐呂二洪及會通河諸開

琦自幼侍帝恃恩縱肆擅遣內官內侍假採辦名虐取官民財物事覺下錦衣衛獄籍其家金寶千萬計服用僭侈非法遂磔琦并戮其黨十餘人仍命都察院榜琦罪示天下

質實

按明實錄六年十一月內官表琦事覺下獄上以其所遣在外者尚多於是遣太監劉寧御史張駿李灝等往籍其贓及執其從人寧駿灝往直隸蘇松諸郡御史蔣彥廣往福建胡智往湖廣施信往江西高起往廣東劉禎往廣西胡敬往河南于奎往南京郭原往河間唐慎往直沽梁軫往四川雲南內裴可烈在蘇松諸郡貪暴尤甚

特命械繫至京時內使馬俊公差還京至良鄉聞表琦事自經有司以聞上曰此正與表琦同惡害民者命戮其屍梟首于市又中官唐受以公差南京縱恣貪酷事聞捕至具服械赴南京磔梟于市十二月命磔琦而斬阮巨隊阮誥武莽武路阮可陳友趙維王貴揚四保陳海等十人裴可烈亦下錦衣衛獄死

發明

表琦一使令之官者耳恃恩欺妄遂假采辦為名內官內使紛然四出虐取金銀動累萬

計天下含冤無愬怨及朝廷其時風憲之官受其脅制無可如何流毒幾遍天下至是宣宗覺之遣御史分捕伏罪然官吏軍民受害已非一日誅之晚矣始不慎其幾而後復不絕其本官豎之禍遂與明代相終始其為厲階者豈一朝一夕之故哉

太子少保武英殿大學士金幼孜卒

幼穉簡易靜默寬裕有容者過雖隆而自處益謙疾
草家人屬請身後恩幼穉曰此君子所耻也及卒贈
少保謚
忠靖

御定資治通鑑綱目三編卷八